

普賢菩薩



大藏經卷之三藏法華傳卷第八

大慈恩寺三藏法師傳卷第六

法苑珠林卷第六

起十九年春正月入西京終廿二年夏六月謝御製

經序并答

橘寺

貞觀十九年春正月景子京城留守左僕射梁

國公房玄齡等兼法師廣延像至乃造右武儀

大將軍莫陳寔雍州司馬李叔春長安縣

令李軌祐等奉迎由濱而入舍於都亭驛其

京都大學
930248
圖書

後若雲是日有旨頒諸寺具張輿花堵等檄送
經像于弘福人百欣踊各覓庄嚴翌日大會於
朱雀街之南凡數百伴部伍陳列即以安曇法
師於西域所得如來完舍利一百五十粒金佛像
一軀通光座高尺有六寸檄摩揭陀國前正覺山
龍窟留敷像金佛像一軀通光座高三尺三寸檄
婆羅迦斯國鹿野苑初轉法輪像刻檀佛像一軀
通光座高尺有五寸檄憍賞弥國出憂王思慕
如來刻檀馬真像刻檀佛像一軀通光座高二
尺九寸檄却比他國如來自天宮下降寶階像銀
佛像一軀通光座高四尺檄摩揭國鷲峯山說
法花等經像金佛像一軀通光座高三尺五寸檄
那揭羅曷國伏毒龍所留敷像刻檀佛像一軀通
光座高尺有三寸檄天舍迦國迴城行化像又安

量法師於西域所得大乘經二百廿四部大乘論一
百九十二部上坐部經律論一十四部大衆部經
律論一十五部三彌底部經律論一十五部弥沙
塞部經律論廿二部迦葉辟邪部經律論一十七
部法密部經律論卅二部訖一切有部經律論六
十部目論卅六部聲論一十二部凡五百廿六
五十七部以廿馬負而至其日所司普班諸寺但
有寶帳幢幡供養之具限明廿八日且並集朱雀街
擬送新至經像於弘福寺於是人增勇銳各覓店
嚴窮諸齋好幢幡蓋寶案寶輦寺別將出
僧尼等勸服隨之雅梵居前薰爐外後至是並
陳於街內凡數百事布經像而行珠珮流音金
花散彩頒送之傳莫不歌詠希有忌廢遺累自
朱雀街滿於弘福寺步餘里間都以士子內外官

僚列道兩傍瞻仰而立不可忍相騰踐各合當處
燒香散花無得移動而烟雲讚響聲震連合昔
如來剎降迦毗羅初昇都史龍神供奉天衆
圍繞難不及彼時且遺法之威也其日衆人同見
天有五色綺雲現於日北宛轉當經像之上紛
離之周圍數里若迎若送至寺而敬釋彥棕等
遂曰余考尋圖史此蓋謂天之嘉氣識者嘉焉
昔如來剎降迦毗羅慈氏將果觀史龍神供奉天衆
難迎難不及往時而遺法東流未有若茲之威也
壬辰法師謁

文武聖皇帝於洛陽宮二月己亥見於儀鸞殿帝
迎慰甚厚既而坐訖帝曰師者何不報法師
謝曰玄奘當去之時以再三表奏但誠願微淺不
蒙高許無任深遠之至今蒙恩許專輶之罪進

深慙懼。帝曰師出家與俗殊。然能委命求法。
惠利蒼生。朕甚嘉焉。且煩為愧。但念彼山川阻
遠。方俗異心。旌師能達也。法師對曰。弊同乘疾風
者。造天地而非遠。御龍舟者。涉江波而不難。自陛下
握乾符。靖四海。德龍九域。仁被八區。淳風所矣。景
雲南聖威振。葱山之外。所以戎戎君長。每見雲翔之鳥。
自東來者。猶疑發於上國。寧為而敬之。况玄奘圓
首。方足親承。肩化者也。既賴天威。故得往還無難。
帝曰。此自是師長者之言。朕何敢當也。因廣問
波事。自雪山巔已西。卽度之境。玉燭和氣。物產風俗。
八王故迹。四佛遺蹤。並博望之所不傳。班馬無得而
載。法師既親遊其地。觀觀瑣邑。耳聞目覩。記憶元道。
隨問酬對。皆有條理。帝大悅。謂侍臣曰。昔符堅稱
釋道安為補。然則秦朝。蓋有之矣。今覩法師。詞論典雅。

風節貞後非唯不愧吾人亦出之更遠時趙國公
長孫無忌對曰誠如聖旨嘗讀廿國春秋見叙安事
實是高行博物之僧但被時佛法未近任論未多
雖有鑽研蓋其襟業非如法師躬窺淨域討衆妙
之源究泥洹之跡者矣 帝曰公意言是也又謂法
師曰佛國遐遠靈跡法教前史不能委詳師既親覩
宜敷一傳以示未聞 帝又察法師堪公轉之壽曰勸罷
道助康俗務法師謝曰玄奘少踐緇門伏膺佛道玄
奘是習孔教未聞今遣從俗無異乘流之舟使奔水
而就陸不唯無功且徒令腐敗也願得畢身行道以
報國恩即玄奘之幸如是固錄乃以時帝將問罪遼
瀕天下之兵已會於洛軍事忙迫問法師至今引入期
暫相見而清言既交遂不知日與趙國公長孫無忌奏
稱法師傳在鴻臚司暮恐不及 帝曰忘言猶未盡

意欲與師東行省方觀俗釋麾之外別更譏叙師意
如何法師謝稱玄奘遠來兼有痼疾恐不堪陪駕
帝曰師尚能孤遊絕域今此行蓋同跬步安足辭焉
法師對曰陛下東征六軍奉衛尉亂國誅賊臣必
有牧野之功昆陽之捷玄奘自度終無裨助行陣之
類虛負途路費損輶車加以兵戎戰鬪律制不得觀者
隨佛有此言不敢不奉奏伏願天慈哀矜矜即玄奘幸
甚帝信納而出法師又奏去玄奘後西域所得梵本
書百餘部一言未譯今知此嵩岳之南少室山北有少
林寺遠離塵垢泉石清閑是後魏孝文皇帝所造即
菩提留支三藏翻譯經處玄奘望為國就彼翻譯伏
聽勅旨帝曰不須在山師西方去後朕奉為複太后於西
京造弘福寺有禪院甚虛靜法師可就翻譯法師
又奏曰百無一得如見玄奘後西方未要相觀者遂成恩

周非直達^{ハナハシ}觸^{ハナフ}急^{ハヤシ}紙^シ至^{マデ}為^{ナリ}姦^{ヤハ}藥^{ヤク}法^{ホウ}事^ジ望^{ノゾミ}得^エ守^{モリ}門^{カド}以^{ヨリ}防^{ホウ}諸^{シヨ}過^カ
帝大悅曰師此意可謂保身之言當為處分師可
三五日俾^シ總^{ソウ}還^{ヘン}京^{キョウ}就^{ツク}弘^{コウ}福^{フク}安^{アン}量^{リヤウ}諸^{シヨ}有^{アル}所^{コロ}須^ス一^{ヒト}共^ニ玄^{ソウ}齡^{レイ}
平章自是辭^シ還^{ヘン}矣^{ナリ}三月己巳自洛陽還至長安即居
弘福寺將事翻譯乃^ハ獮^コ疏^ス所^{コロ}須^ス證^{テイ}義^ギ綴^ズ父^フ集^{シツ}受^ウ書^{ショ}
等^ニ數^ス以^{ヨリ}申^{マウ}苗^{ヒナ}守^{モリ}司^シ空^{クウ}梁^{リヤウ}國^{コク}公^{コウ}玄^{ソウ}齡^{レイ}遣^シ所^{コロ}司^シ具^グ狀^{キョウ}
發^{ハツ}使^シ定^{テイ}將^{シヤウ}啓^キ令^レ之^ヲ百^{ヒャク}紙^シ所^{コロ}須^ス結^{ケツ}給^{キョウ}務^フ使^シ固^コ備^ヒ夏^カ月^{ゲツ}
氏^シ氏^シ證^{テイ}義^ギ大^{ダイ}德^{タク}諸^{シヨ}解^ゲ大^{ダイ}小^{コウ}乘^{ソウ}經^{キヤウ}論^{ロン}為^{ナリ}時^{トキ}贊^{サン}所^{コロ}推^ス者^ヲ一^{ヒト}
至^{マデ}一^{ヒト}人^ニ至^{マデ}即^{ソノ}京^{キョウ}弘^{コウ}福^{フク}寺^ジ沙^{シャ}門^{モン}靈^{レイ}潤^{ジュン}沙^{シャ}門^{モン}文^{ブン}倫^{リン}羅^ラ漢^{ハン}寺^ジ
沙^{シャ}門^{モン}慧^{スイ}貴^キ實^{ジツ}際^{サイ}寺^ジ沙^{シャ}門^{モン}明^{メイ}陟^{シツ}寶^{ホウ}昌^{キヤウ}寺^ジ沙^{シャ}門^{モン}法^{ホフ}祥^{キヤウ}靜^{セイ}
法^{ホフ}寺^ジ沙^{シャ}門^{モン}普^フ賢^{ケン}法^{ホフ}海^{カイ}寺^ジ沙^{シャ}門^{モン}神^{シン}昉^{ホウ}廊^{ロウ}州^{シュウ}法^{ホフ}誨^{ヘイ}寺^ジ沙^{シャ}
門^{モン}道^{ドウ}深^{シン}汴^{ペイ}州^{シュウ}演^{エン}覺^{ケツ}寺^ジ沙^{シャ}門^{モン}玄^{ソウ}忠^{チュウ}蒲^ホ州^{シュウ}普^フ救^{ケウ}寺^ジ沙^{シャ}門^{モン}神^{シン}
泰^{タイ}縣^{ケン}州^{シュウ}振^{ジン}響^{キヤウ}寺^ジ沙^{シャ}門^{モン}敬^{キヤウ}明^{メイ}等^{トウ}又^{マタ}有^{アル}綴^ズ父^フ大^{ダイ}德^{タク}九^ク人^ニ至^{マデ}
即^{ソノ}京^{キョウ}普^フ光^{コウ}寺^ジ沙^{シャ}門^{モン}梅^{メイ}玄^{ソウ}弘^{コウ}福^{フク}寺^ジ沙^{シャ}門^{モン}明^{メイ}靖^{セイ}會^{ケイ}昌^{キヤウ}寺^ジ沙^{シャ}

門辨接終南山豐德寺沙門道宣道宣簡州福聚寺沙
門靜邁補州普救寺沙門行菽棲巖寺沙門道卓
蜀州昭仁寺沙門慧立涪州天宮寺沙門玄則等又有
字學大德一人至即京大惣持沙門玄應又有證
梵語文大德一人至大興善寺沙門玄墓玄墓自餘筆受
書手兩司供料等並至丁卯法師方操貝葉用演
梵文創譯芥藏經佛地經六門陀羅經經顯揚聖
教論等四部其翻六門經當日了佛地經至辛巳了
芥藏經顯揚論等歲暮方訖廿年春正月甲子又
譯大乘阿毗達磨雜集論至二月訖又譯瑜伽師地
論秋七月辛卯法師進新譯經論見了者表白沙門
玄奘言竊聞八正之旨實出若之津梁津梁一乘之宗誠
涅槃之梯蹬梯蹬但以物機未契致蘊慈山之西經西經貴達
而莫聞莫聞歷周秦而靡至暨年摩騰入洛方被三川

僧會遊吳始震荆楚後是已來遂得人滿解脫之
日家樹井之葉固知傳法之益其利博哉後嚴頭
求經澄什繼譯雅則玄風日扇而並處偽朝准玄并
輕生獨達明聖所將經論咸得奏聞蒙陛下崇重
聖言賜使翻譯比與義學諸僧等專精夙夜無
惰寸陰雖掘管淹時未遂終託已絕筆者見得五
部五十八卷名曰大并藏經并卷佛地經一卷六
羅尼經一卷頭揚聖教論并卷大乘阿毗達磨雜集
論一十六卷勒成八秩繕寫如別謹詣闕奉進玄奘
又竊見弘福寺尊像初成陛下親降鑒輿用青
蓮之目今經論初譯為聖代新文敢錄前義且望
曲垂神翰題製一序讚揚宗極冀冲言奧旨与
日月齊明玉字銀鈎將乾坤等固使百代之下誦詠
不窮千載之外瞻仰無施又前洛陽奉見日勅令法

師從西域記至是而成し素又表進日沙門玄奘言

竊尋蟠木幽陵雲官紀軒星之壤流沙滄海夏載さ

著伊克之城西母白環薦垂衣之主東夷格矣奉刑けい

措之君固以飛英曩代式徽前典伏惟陛下握紀

乘時提衡範物剗舟絃木威天下而濟群生螭足麋

灰堦方輿而補圓蓋耀武經於十德闡文教於十倫

澤漏泉源化霑篤華芝房藪秀浪井用苑璵圃

駟斑巢阿響律浮紫膏極身關霏白雲於玉檢遂

莞弱木而池濠汎圃炎大而照積氷梯赤坂策翔泛

滄津而委書史曠前良事施故府豈如漢用張掖

近接金城秦戎桂林繞通殊浦而已玄奘車馬天地

貞觀華夷靜謐謚真心梵境取符好事命均朝露

力辟秋蠹徒以憑假皇靈飄身進敷展轉膜拜之珎

流離重驛之外條文巨崔太監前周蜀賓孤寫還

替曩實時移歲積人願天從遂得下雪岫而浚提河
窺鶴林而觀鷲嶺祇園之路駘像猶存玉城之基
波陀尚在尋求歷覽特序推遷言迄帝京淹逾一
紀所聞所履百有卅八國竊以章亥之所踐藉空陳廣
袤夸父之所凌厲元述五風班超復而未遠張騫望
而非博今所記述有異前聞雖未極大千之彊頗窮
葱外之境皆存實錄匪敢欺誣謹具編裁繹為大
唐西域記凡一十二卷繕寫如別望班之右筆飾以左
言掩博物於晉且廣九丘於皇代但玄奘資識淺短
遺漏寔多每拙於筆語恐無足觀覽景申神筆
自益書曰省書具志未意法師夙標高行早出塵
表泛寶舟而登彼岸搜妙道而燭法門弘闡大猷蕩
滌衆罪是故慈雲欲卷舒之蔭四空慧日將昏朗
之照八極舒朗之者其唯法師乎朕學淺心拙在物

猶迷况佛教幽寂豈能作測請為經題非已所聞又
云新撰西域記者當自披覽勅并尚丁酉法師重表
日沙門玄奘言伏奉聖勅猥垂將喻祇奉綸言精守
振越玄奘業行空疎謬忝縉緇侶幸屬九瀛有截四表
無虞憑皇靈以遠征恃國威而訪道窮遐冒險雅勵
愚誠慕異懷茲寔資朝化所獲經論蒙遣翻譯
見成卷軸未有詮序伏惟陛下敷思雲數泰華景
爛理已繫象調逸感英跨千古以飛聲掩百王而騰
實竊以神力無方非神思不足銓其理聖教玄遠
非聖藻何以序其源故乃冒化威嚴敢希題目宸
睠冲邈不垂矜許撫躬累息相顧失面玄奘周日月
麗天既分暉於戶牖江河紀地三流潤於巖涯雲和
廣樂不祕響於聾昧金鑒倚珎豈輟彩於愚瞽
敢錄斯理重以于祈伏乞雷雨曲垂天父俯照龍章

儀而同久。思二曜而俱懸。然則驚嶺。敬言假神。集
而弘遠。鷄園奧典。託英詞而宣暢。豈心區以梵衆獨
荷。息榮。春蠶。迷生方起。塵累而已。自此方許廿年。
春駕幸玉華宮。夏五月甲午。翻瑜伽師地論。訖凡
一百卷。六月庚辰。勅遣法師赴宮。比發在途。屢有使
至。令緩進。無得勞損。既至。見於玉華殿。甚歡。帝曰。
朕在京苦暑。故就此山宮。泉石既涼。氣力稍好。能省
覽機務。然憶法師。故遣相屈。涉途當大勞也。法師
謝曰。四海黎庶。依陛下而生。聖躬不安。則羣生惶灼。
伏聞鑒輿至此。御膳順宜。凡預含靈。孰不踊舞。願
陛下永保崇高。與天无極。玄奘庸薄。猥蒙齒召。荷
荷不覺。為勞。帝以法師學業該瞻。儀韻淹深。每
思通勸。歸俗。致乏左右共謀朝政。往於雒陽宮。奉
見之際。以親論之。至是又言曰。昔堯舜禹湯之君。隆

周炎漢之主莫不以為六合務廣萬機事殷兩國木
能遍鑒一心難為獨察是以周憑十乱舜託五臣翼高
朝猷弼諧邦國彼明王聖主猶仗群賢况朕寘罔而不
寄衆哲者也意欲法師脫頊菩提之際服掛維摩詰
之素衣外鉉路以陳謨坐槐庭而論道於意何如法師
對曰陛下言六合務廣三五之君不能獨守奇諸賢
輔共而成之仲尼云君失臣得故君為元首臣為
股肱玄奘謂此言將試中庸非為上智若使有
臣皆得梁紂豈無臣耶以此而推不必由也作推
陛下上智之君一人紀綱萬事自得其緒况撫運以
朱天地休平中外寧晏皆是陛下不荒不嫚不
靡不侈競之業之雅休勿休居安思危為善承天之
所致也餘何顧哉請韓二三以明其事陛下經緯八
宏之略駟駕英豪之才剋定禍亂之功崇廟雍興

不棄聰明父思之德體元令極之安皆天之所授
假於人其義一也敦本并末尚仁尚禮移澆風於季
俗及淳政於上皇賦遵薄制刑用輕典九州四海稟
識懷生俱沐恩波咸蒙安樂此又聖心聖化無假於人
其義二也至道旁通深仁遠洽東逾日域西邁崑丘
南盡炎州北窮玄塞厥題鼻飲之俗卉服左衽之人
莫不儀而瞻風警頓屈膝獻珍貢寶克安夷郅
此又天威所感無假於人其義三也拾遺為愚其來
自久五帝所不臣三王不能制遂使河洛為被髮之野
鄴鄘為鳴鏑之場中國陵遲匈奴得志殷周已來
不能攘強至漢武窮兵衛霍盡力雖收枝葉根本
猶存自後以來復未聞良桀及陛下御圖一征
斯殲傾巢倒穴無復孑遺瀚海盡然之域並入提封
單丁之騎之人俱坑良妾若言由臣則虞復延朱

賢輔多矣何日不獲故知有道斯得無假於人其義
四也高麗小蕃失禮上國隋帝怒天下之師三自征
罰政域無傷半探野掠不獲一人虜喪六軍狼狽而
反陛下暫行將數萬騎摧駢之強陣破遼蓋之
堅城振振凱旋俘馘廿萬衆用兵御將其道不殊隋
以之巨唐以之得故知由主無假於人其義五也又如天
地交泰日月光華和氣氤氲慶雲絳郁五靈見質
一角呈奇白狼白狐朱鴈朱草昭敷雜沓無量億年
不能遍舉皆是應德而至無假於人乃欲比喻前王
寄切十乱竊為陛下不取後復須人今之伊呂多矣
玄弊庸陋何足以類之至於守或緇門闡揚道法此
其類也伏乞天慈終而不棄帝甚悅謂法師曰師向
所陳並上玄垂祐及宗廟之靈卿士之力朕安能致
此既歆敷揚妙道迄不違高志可努力今日已獲

助師弘道釋廣際箋述白法師才兼內外臨機
谷其辯洽如是難哉首道安陳諫符堅之駕不停
恒標奮詞姚興之心莫心終致敗軍之辱逃遁之勞
豈如法師雅論繞申皇情充塞清風翰潔美志
踰貞以此而言可不煩月旦而優劣見矣時中書令褚
遂良奏曰今四海廓清九域寧晏皆陛下聖德實
如師言臣等備位而已日月之下螢燭何切帝嘆曰
不如此夫弥裘非一狐之腋太廈必衆材共成何有
君能獨濟師欲自全雅操故濫相光飾耳帝又問
法師此翻何經論答近翻瑜伽師地論訖凡一百卷帝
曰此論甚大何聖所說復明何義答曰論是弥勒
菩薩說明十七地義又問何名十地答謂五識相應
地意識相應地有尋有伺地無尋唯伺地無尋無伺地
有擇多地非三擇四多地有心地无心地用所成地

愚所成地祇所成地聲聞地獨覺地菩薩地有餘依
地无餘依地及舉綱提目陳列大義 帝深愛焉遣
使向京取瑜伽論之至 帝自詳覽觀其詞義宏
遠非從來所聞歎謂侍臣曰朕觀佛經譬猶瞻
天望海莫測高深法師能於異域得是深法朕
比以軍國務殷不及委尋佛教而今觀之宗源
杳曠靡知涯際其儒道九流比之猶河漢之池方
濱湯取而世云三教渙致此妄談也母勒司尚祕
書省書手寫新翻經論為九本與雍洛兗荆揚
涼益等九州展轉流通使率土之人同稟未聞之義
時司徒趙國公長孫無忌中書令褚遂良等奏曰
臣聞佛教冲玄天人莫測言本則甚深語門則難
入伏惟陛下至道昭明飛光呈日降靈遊東化
道中弘權護五藏建立三寶故得法師南來

而秀實同千載而挺生陟重阻以求經優危途
而訪道見殊俗具獲真文歸國翻宣若菴園之
始訖精父奧義如金口之新開皆是陛下聖德
所感臣等愚瞽願此見聞苦海波瀾舟航有寄又
天慈廣遠使布九州蠢之黔黎俱食妙法良等億
劫希逢不勝幸甚帝曰此是法師大悲願力又公
等宿福所逢非朕獨所致也帝先詳作新經序
機務繁劇未及措意至此法師重啟方為深翰小
頃而成名大唐三藏聖教序凡七百八十一字神筆自
寫勅貫衆經之首帝居慶福殿百官侍衛命法師坐
使弘文館學士上官儀以所製序對群寮宣讀霞煥錦
舒極哀揚之致其詞曰蓋周二儀有象顯霞載以含
生四時無形潛寒暑以化物是以窺天鑑地庸愚皆
識其端明陰洞陽賢哲罕窮其數然而天地苞孕

陰陽易識者以其有像也陰陽處乎天地而難窮者以其無形也故知像顯可徵難愚不惑於潛莫觀在智猶迷况乎佛道宗虛乘幽控窅弘潛乃品辭十方舉威靈而無上祚神力而元下大之則弥於宇宙細之則攝於豪釐無滅無生歷千劫而不古若隱若顯運百福而長今妙道淑去遠之莫知其際法流隱窅施之莫測其源故知春露之潤愚區庸鄙投其旨趣能無疑惑者哉然則大教之興基乎聖騰漢庭而較夢照東域而流慈音者分形分跡之時言未馳而成化當常現常之世人作德而知遠及乎晦歟歸真要儀越世金容掩色不鏡三千之光懸像用番空端四八之相於是微言廣被拯含類於三塗遺訓遐宣導群生於十地然而真教難作莫能一其旨歸曲學易導邪正於焉紛紜所以空有之論或



習俗而是非大小之乘乍改時而隆替有玄學法師
者法內之領袖也幼懷貞敏早悟三空之心長觀神
清光范四忍之行松風水月未足比其清華仙露明
珠詎能方其朗潤故以智通無累神測未可超六塵
而迴出復千古而无對澈心內境悲正法之陵遲栖慮
玄門慨深父之訛謬思欲分條析理廣彼前聞截偽
續真爾茲後學子是以剋心淨志往遊西域乘危遠邁
杖策孤征積雪晨飛途間失地驚砂夕起雲外迷
天萬里山川撥煙霞而進數百重寒暑躡霜露而
前蹤誠重勞輕求深願達周遊西宇十有七年窮
歷道邪詢求正教雙林八水味道舍風康苑驚岑
瞻奇作異美至言於先聖受真教於上賢蹟妙門
精窮奧業一乘五律之道馳驟於心田八藏三篋之文
收博極口海爰目新歷之國將三藏要文凡二百五

七部譯布中夏宣揚勝業計慈雲於西極降法雨
於東密聖教敷而復全蒼生罪而還福濕火宅之
乾能去拔迷途朗愛水之昏波同臻彼岸是知惡
日業墜善緣昇、墜之端惟人所託辟支桂生
高嶺雲露方得證其華蓮出綠波飛塵不能污
其素非蓮性自潔而桂質本貞良由所附者高則
微物不能累所憑者卑則濁類不能覆是以卉木
无紅惜資善而成善况乎人倫有識不緣慶而成慶
方冀茲經流施將日月而无窮斯福遐敷与乳坤衆
大法師奉謝聖製表曰沙門玄奘言竊同六爻探
頭局於生滅之場百物正名未涉真如之境猶且遠
微義冊觀奧不測其神遐想軒圖歷選並歸其美
伏惟皇帝陛下玉毫降質金輪御天廓先王之九
州掩百千之日月廣列代之區域納恒沙之法界運使

給園精舍並入授封賞業靈父咸歸冊府玄英性醇
振錫所謁岷山經途万里タタハ天威如咫尺タタハ匪棄干某
詣雙林如食頃搜揚三藏盡龍宮之所儲研究一乘
窮鷲嶺之遺旨並已載於白馬還獻紫宸尋蒙
下詔賜使翻譯玄英識市龍樹認忝傳燈之榮才
異馬鳴深愧鴻祖之敏所譯經論舛尤多逐荷天
恩留神撰序文起象繫之表理括衆妙之內忽以微
生親承梵響踊躍歡喜如聞受記無任欣荷之極謹
奉表詣闕陳謝以聞帝省表後平報書曰朕才謝
津璋言慙博達至於內典尤所未聞昨製序文深為
鄙拙唯恐穢翰累於金簡標瓦礫於珠林忽得來書
謬承褒讚循躬省慮弥益厚顏善不足稱空勞
致謝

大慈恩寺三藏法師傳卷第六





大慈恩寺三藏法師傳卷第七

沙門慧立本釋皮棕箋

起廿二年夏六月

皇太子製述聖記終永徽五

年春二月法師答書

橘寺

廿二年夏六月

天皇大帝居春宮奉觀聖父又

製述聖記其詞曰

夫顯揚正教非智無以廣其父

宗闡微言非賢莫能定其旨蓋真如聖教者諸法

之玄宗衆經之軌躅也綜括宏遠奧旨遐深聖旨有之

京都大学

930248

圖書

精微體生滅之機要詞茂道曠尋之者不究其源
久顯義幽履之者莫測其際故知聖慈所被業無
善而不臻妙化所敷錄無惡而不剪開法網之經紀弘
度之正教拯群有之塗炭啓三藏之秘局是以名無翼
而長飛道無根而永固道名流慶歷遠古而鎮常赴感
應身經塵劫而不朽晨鐘夕梵支二音於鷲峯慧
日法流轉雙輪於鹿苑排空寶蓋接荆雲而失飛
莊野春林興天華而含彩伏惟 皇帝陛下上玄資
福垂拱而治八荒德被黔黎燬祚而朝万国恩加朽
骨石室歸貝葉之父澤及昆蟲金甌流梵詠之偈遂
使阿耨達水通神甸之八川耆闍崛山接嵩華之翠
嶺竊以法性澈矣靡歸心而不通智地玄奧感懇誠而
遂顯豈謂重昏之夜燭慧炬之光火宅之朝降法雨
文澤於是百川異流周會於海萬壑分義總於中實

豈與湯武校其優劣堯舜比其聖德者哉玄奘法師
者夙懷聰令立志蒙蘭神清鑑亂之年體校浮華之
世激情定室匿迹幽巖栖息三禪巡遊十地超六塵
之境獨步迦維會一乘之旨隨機化物以中華之無
質尋卽度之真父遠涉恒河終期滿字頻登雪嶺更
獲半珠問道往還十有七載備通釋典利物為心以

貞觀十九年二月六日奉

勅於弘福寺翻譯聖教要

文凡六百五十七部引大海之法流洗塵勞而不竭傳智

燈之長燄時幽闇而恒明自非久植勝緣何以顯揚斯旨

所謂法性常住曆三光之明我皇福臻同二儀之固伏見

御製衆經論序照古騰今理含金石之聲文紀風雲

之潤治輒以輕塵足岳墜露添流略舉大綱以為斯記

法師進啓謝曰玄奘同七耀接光聳高天而散景汎河灑

潤日厚地而通流是知相資之義廣物既然隨法依大

理在無惑伏惟

皇太子殿下發揮

睿藻再述

天文讚美大乘莊嚴寶相殊迴玉轉霞爛錦繡將日
月而聰華興咸英而含韻玄英輕生多韋沐浴殊私
不任銘佩奉啓陳謝時降令答法師書曰治素無才
學性不聰敏內外諸文殊未觀覽所作序記鄙拙尤
繁忽得來書褒揚讚述極躬自省慙悚交并勞師
等遠臻深以為愧釋彥琨述曰自二聖降文出後
王公百辟法俗黎庶千舞足蹈歡誅成音內外揄揚
曾未浹辰而周六合慈雲再蔭慧日重明歸依之徒
波迴霧委所謂上之化下猶風之靡草其斯之謂乎
如來所以法付國王良為此也時弘福寺王圓定及
京城僧等請鑄二序文於金石藏之寺宇帝可之
後寺僧懷仁等乃鳩集晉右軍將軍王羲之書勒於
碑石焉漢辰皇太子以文德聖聖后早并萬勝惠報

昊天退靈福業使中太夫人守右庶子臣高季輔宣命

曰爾人不造各誼爾鍾年在末識慈顏并背終身之

憂貫心滋甚風樹之切刻骨冥深每以就忘在辰歲時

興感空懷陟屺之望益夜寒泉之心既而笙歌遂

遠瞻奉無逮後思昊天之報因寄焉鳥之情竊以

覺道洪慈寔資冥福冀申殯慕是用歸依宜令兩

司於京城內舊廢寺妙選一兩奉為文德聖皇后

即營僧寺寺成之日當別度僧仍令挾帶林泉務

盡欣勝作規切利之果削此因緣之懷於是有司詳

擇勝地遂於宮城南晉昌里面曲池依淨覺故伽藍

而營建焉瞻星揆地像天關放給園窮瑤瑤切盡

衡霍良木文石梓桂櫟樟枿枿死其材珠玉丹青諸聖

金翠備其飾而重樓複殿雲閣洞房凡十餘院總平

公百九十之間牀褥器物備皆盈滿文武聖宴臨之

讀法師藏進并藏經義之日勅春官作其經後

序其詞曰蓋聞義皇至蹟精粹止於龜文軒后通德

雅奧窮於鳥篆考丹書而縈隱殊昧實際之源故

緣錯以研幾蓋非常樂之道猶且事光圖史振董風

于八埏德洽生靈激澆波于萬代伏惟皇帝陛下轉輪

垂拱而化漸鷄園勝殿激流而神支驚嶺惣調御徽

弭匪父思之所窺綜波若於綸言豈繫像之能繼由

是教覃演表威傳八解之奇訓決寰中皆踐四禪之軌

遂使三千法界盡懷生而可封百億須弥入提封而作鎮

及連德水迹帝里之滄池舍衛菴園接上林之茂苑

雖復法性空寂隨感必通真乘深妙無幽不闡所謂

大權御極道法流而靡窮能仁撫運拂劫石而元盡

體物具相不可思議校美前王焉可同年而語矣爰自

開闢地頭流沙震且來融靈文尚德漢王情贊麗夢

於玄霄晉后翹誠降僊夢於白馬有同蠶酌蠶連四
海之涯取辭管窺窺窺窮七曜之隙泊乎 皇靈超暢
威加鐵圍之表至 聖教明德被金對之際恒沙國主
普襲衣冠用解脫門踐真實路龍宮梵說之偈必
華清臺祝孔貝葉之文咸歸冊府灑茲甘露普潤牙
莖乘此惠雲遍 霑翻步豈非歸依之勝業聖政之靈
感者乎大并藏經者大覺義宗之要旨也佛備此道
以證无生并受持咸登不退六波羅蜜用鍵所資回无
量心根力斯備蓋彼岸之津涉正覺之拂航者焉貞
觀中年申毒歸化越熱坂而頌翔跨賒度以輸縣父軌
既同道路无壅沙門玄奘振錫尋真出自玉關長駢
奈苑至于天竺力士出家訪獲此經歸而奏上降詔
翻譯於是畢切余以問安之暇澄心妙法之寶奉述天
旨表贊揚式命有司綴于終卷自是 帝近情信

日隆平章法義福田功德無輟於口與法師志趣相離
勅加供給及時服卧具數令搜易秋七月景申夏罷又
施法師納袈裟一領價直百金觀其作製都不知鍼線
出入所從帝庫內多有前代諸納咸无好者故自教後宮
造此將為稱意營之數歲方成乘輿四巡恒將随往遂
十一年駕幸洛陽宮時獲州道恭法師常明慧宣法
師並有高行學該內外為朝野所稱帝之既至升入坐
右訖時二僧各披一納是梁武帝施其先師相承共寶
既來謁龍顏故取披服帝哂其不工取納令示仍
遣各賦詩以詠恭公詩曰福田資寫德聖種理幽重
不持金作縷還用絲成文朱青自掩映翠綺相荀益
獨有離之素恒向宿睡公宣公詩末云如蒙一披服方
堪稱福田意並欲之帝並不與各施絹五十疋即此納也
傳其麗施豈常人所宜服用唯法師感德當之矣時

并賜法師剃刀石法師表謝曰沙門玄奘伏奉勅
賜的袈裟一領剃刀一口殊命存臻龍靈隆赫恭對
惶悚如履春冰玄奘幸遭邕穆之化早願息心之侶
三業无紀四懸靡吝認迴天騰溫叨雲澤恩辱之服秋
含流霞智慧之刀銘逾切玉謹當衣以降煩惱之魔佩
以斷塵勞之網起餘譏於彼記懽雲疎於昌榮慚慙
屏勞超美將滿鞠心跼蹐精爽飛越不任悚荷之至
謹奉表謝同慶豐聖鑒伏深戰慄
帝少勞兵事慕
曆之後又心存地廣及遼東征罰棉沐風霜旋旆
已來氣力頗不如平昔有憂生之慮既遇法師逆
留心八正精進五乘遂將加平復
帝目問曰欲樹切
德何最饒益法師對曰衆生寢惑非慧莫啓慧牙
袖殖法為其資弘法由人即度僧為家
帝甚歡秋
九月己卯詔曰昔隋季失御天下分崩四海遶原

此斯沸朕屬當其亂躬履無鋒並化風霜宿於馬上
比加藥餌猶未痊除近日已來方訖平復豈非福善所
感而致此休徵邪京城及天下諸州寺宜各度五人弘福
寺宜度五十人計海內寺三千七百二十六所計度僧尼二
萬八千六百餘人自此已前天下寺廟遭隋季凋殘紹
侶將絕象茲一度並成徒衆美哉君子所以重正言也
帝又同金對股若經一切諸佛之所後生周而不謗切逾
身命之施非恒沙所寶所及加以理敬言効故賢達君
子多虔虔受持未知先代所翻文義具不法師對曰此經
功德實如聖旨西方之人咸同愛敬今觀舊經亦竅有
遺漏據梵本具云能斷金對股若舊經直云金對股
若為欲明并以分別為煩惱而分別之惑堅類金剛唯
此經所詮无分別慧乃能除斷故曰能斷金剛股若故知
舊經失上二字又如下文三周闕一二項闕九論兩三闕

等什法師所翻舍衛國也。留支不翻。婆伽婆者。少可。
帝曰。師既有梵本。可更委翻。使衆生聞之。具足然經本。
貴理。不必煩飾。文而乖義也。故令新翻。能斷金剛般若。
委依梵本。奏之。帝甚悅。冬十月。車駕還京。法師亦
從還。先是。勅所司。於北闕紫微殿西別營一兩所。弘
法院。既到。后之畫則。帝留談說。夜乃還院。翻經更譯。
无性并所釋。講大乘論十卷。在親所釋。攝大乘論十卷。
緣起聖道經一卷。百法明門論一卷。代申。皇太子又宣。
令曰。營慈恩寺。漸向畢。切輪奐。將成。僧徒尚闕。伏奉。
勅旨。度三百僧。別請五十大德。同奉神居。降臨行道。
其新營道場。宜名大慈恩寺。別造翻經院。缸梁藻井。
丹青雲氣。瓊礎銅甍。金環花鋪。並加殊麗。令法師移。
就翻譯。仍繼維寺。任法師。既奉。令旨。令死上座進。
啓。讓曰。沙門玄奘。啓伏奉。令旨。以玄奘爲慈恩寺主。

座恭周書令心靈靡措屏營累息增深戰悚玄鑒
學藝无紀行業空疎敢摺弘宣方期光贊滌特
臯靈窮遐訪道所獲經論奉勅翻譯誠異法流漸
潤克滋斯祚聖教弘宣光華史冊玄峩昔冒危塗
久嬰痼疾驚蹙力弊忍不率葉孤負國恩有罰无
赦命知僧務更貽重譴真鳥易性飛沉失路伏惟
皇太子殿下仁孝夫蒙愛教自心感風樹之悲結寒泉之
痛式逮伽藍堅弘景福達理法衆任在能人用非其器
必有踴仆伏願敬情遠監照弘法之福固慈造曲垂察
愚誠之忠歟則法僧无悔吝之各真鳥得飛沉之趣不
任誠懇之至謹奉啓陳情伏用懇惶追增悚慄十二月代
辰又勅太常卿江夏王道宗將九部樂萬年合宗行賀
長安令裴方產各率縣內音聲及諸寺僧懷振並使勢
極莊嚴已已且集安福門街迎像送僧入太慈恩寺至是

陳列於通衢其錦綵軒輊輿龍樓戲凡千五百餘乘
帳蓋三百餘事先是內出繡書等像二百餘軀金
銀像兩軀金綵綾羅幡五百口宿於弘福寺并法師西
國所將經像佛舍利等爰自弘福列出安置於帳座
及諸車上中而進又於像前兩邊各嚴大車上上堅
長竿懸幡後布師子神王等為前引儀又莊寶車五
十乘坐諸大德京僧衆執持香花貝讚隨後次文武
百官各將侍衛部列隊從太常九部樂扶兩邊二縣音聲
繼其後而幢幡鐘鼓光司磬續光絃目浮空震曜都邑
之極目不知其前後皇太子遣羣尉建紹宗副羣王父
訓領東宮兵千餘人充千力勅遣御史大夫李軾祐為大
使與武儀相知檢校帝將皇太子後宮等於安福門樓執
香爐日而送之甚悅衢路觀者數億萬人經像至寺門
勅趙玄英玄中書褚令執香爐司人安曼殿內奏九部樂

破陣舞及諸戲於連武而還。王皇將欲度僧，幸未集。太子與伏衛出宿，故宅後日旦從寺南列羽儀而來至門下。乘步入百寮階，從禮佛已引，五十大德相見，陳造寺所為，意發言，為壹酸感。旁人侍臣及僧無不歎泣觀茲之情，亦今之榮也。言訖，升殿東閣，令少詹事張行成宣慰。宥降京城，見禁因從，然後利緩觀焉。及賜云已下東帛訖，屏人下閣，禮佛與妃等巡歷廊宇。至法師房，製五言詩，怡於戶日，轉觀福殿，遊目眺皇，錄法輪舍日轉花。蓋接雲飛翠，炮香綺閣，丹霞光寶衣，播虹遙含，秋雲水迥分暉。篤然登十地，自得會三歸。觀訖還宮，是時緇素歡欣更相慶慰，莫不歌玄風重威，遵法再隆。近古以來，未曾有也。其日勅退法師還北園。廿三年夏四月，駕幸翠微宮。皇太子及法師並陪從，既至，處分之外，唯談玄論道，問洎果報，應及西域先聖遺芳，故並皆引經酬對。帝深

信納數攘袂歎曰朕共師相逢晚不得廣興佛事
帝發京時雖少違和而神威容慮無減平昔至五月已
已歲加頭痛留法師宿宮中庚午帝崩於含風殿
時祕不言還京發喪殯太極殿其日皇太子即
皇帝位於梓宮之側踰年改元曰永徽萬方踴勸如喪
考妣法師還慈恩寺自此之後專務翻譯無弃寸陰
每日自立程課若晝日有事不立必晝夜以續之過
之後方乃停筆補經已復祀佛行道至三更暫眠五更
復起讀誦梵本朱點次第撮明一日所翻每日啓黃
昏二時誦新經論及諸州聽學僧等恒來決疑請義
既知上座之任僧事復來諮量復有內使遣營功德前
後造一切經十部夾紵寶莊像二百餘軀亦令取法師
進心日夕已去寺內弟子百餘人咸請教誡盈庭溢廡
皆誦卷處無遺漏者雖衆務輻湊而神氣倬然無所

擁滯僧與諸德訖西方聖賢立義諸部異端及少年在
此周遊譁肆之事高論劇談竟无疲怠其精敏強力
過人若斯復數有諸王弼相來過禮懺逢迎誘道並皆
發心莫不捨其驕華肅敬稱歎二年春正月王宣瀛州
刺史賈敦蹟蒲州刺史李道裕穀州刺史杜正倫恒州
刺史篤銳目朝集在京公事之暇相命叅法師請受
并戒法師即授之并為廣說并行法勸其事君盡忠
臨下慈愛群公歡喜辭去癸卯各捨淨財並備書遣
使叅法師謝聞戒法其書曰竊聞身非欲食如來受
此隨之供法无所求淨名遊善德之請皆為顯至理之常
恒示凡聖之无二又是目機以接物假相而弘道為之者表
重法之誠受之者為行檀之福豈曰心緣於彼此情染於
名利者哉作惟宿殖德本非於三四五佛深達法相善
識一十二部獨悟真宗遠尋聖迹遊崛山之頂立浴恆水之

清流入深法界求善知識收至父於百代之後抹去曾於
千載之前津梁廢品不壞不昧等施一切無先無後蹟等
識蔽二空業倫三東猶縶絲之自纏如井輪之不息雖復
順教生信隨緣悟解頂礼歸依受持四句隱身而為宴坐
厭苦而求常樂而遠滯无明近昏至理未能悟佛性之
在身知境界之唯識心非无取義涉有元不能即八
邪而入八正行非通而通達佛道麟涉海而無津借
面墻而靡見昨因事隙遂得參奉曲蒙接引披并
戒施以未曾有法發其无上道心一念破於无邊四心盡
於来際菩提之種起自塵勞火中生蓮曷足為喻始知
如来之性即是在間并之際不殊生死行於般若更是不行
得彼芥翻為無得忽以小機願聞大教頂受尋思无量歡
喜然夫檀義攝攝六法施為優尊位有三師右其一弘慈
利物雖類日久之无心作照懷恩竊同葵藿之知感大士

同法捐軀非所命及童孺見佛奉土輒敢廢幾謹送片
物表心具如別疏所願照其誠懇生其福田受茲教施隨
意所與使夫墜露添海將渤澥而俱深飛塵集岳與須
弥而永固可久可大幸甚春寒尚重願動心休冥
謹遣白書諸无所具賈敦蹟等和南其為朝賢所慕如
是三年春三月法師欲於寺端門之陽造石浮屠昔豈西域
所將怪像其意恐人代不常經本散失無防災難浮屠
量高世丈擬顯大國之崇奉為釋迦之故迹將欲焚集附
表周奏勅使中書舍人李義府報法師去師所營塔切大
恐難卒成宜用軌造亦不敢師幸苦今已勅大內東宮
掖連等七宮人衣物助師足得成辦於是用軌仍改
就西院其塔基面各一百卅尺故西域制度不循此舊
式塔有五级并相輪露盤凡高一百八十尺層、中心皆
有舍利或一千二千凡一萬餘粒上層以石為室南面有甬

碑載二聖三藏聖教序記其書即尚書右僕射河南公褚
遂良之筆也初基塔之日三藏自述誠願略曰玄奘自惟
薄祐生不遇佛復乘微善願聞像教償生末法何所歸
依又慶少得出家目覩靈相幼知未慕法耳庸遺終圓
訖并所從行思睿如不及聞說如來所證法中心於身思
歷尊師授博同先達詳失漢夢西感正教東傳道阻且
長殊能委悉故有專門三寶執多滯二常之宗童同嫉異
致戒一味之旨逐令後宗相領靡識所歸是以面舊山以
增哀慕常帶而假寐潛祈靈祐顯持國威決志出一生
之城投身入萬死之地往是聖迹之處備謁遺靈但有弘
法之人遍尋正說經一所悲見於所未見遇一字慶聞於
所未聞故以身命餘資繕寫遺願既遂誠願言歸本朝
韋屬休明詔許翻譯先皇道跨金輪聲振玉鼓昭隆象
季兄膺付屬天降發神念親裁三藏之序今山春宮撰

道復為述聖之記可謂重光合璧振教取華漢汗番七
耀之文鏗鏘韻九成之奏自東都白馬西明草堂傳譯之
盛詎可同日而言者也但以生靈簿運共失所天唯恐三藏
梵本零落忽諸二聖天文寂寥無紀所以敬崇此塔擬安
梵本又樹豐碑鐫斯序記庶使魏城永劫願千佛同觀
旨蓋聖迹與二儀齊固時三藏親負簣畚擔運孰石首
尾之周回葉斯果夏五月九卯中印度國摩訶菩提寺大德
智光慧天等敘書於法師光祿大小乘及彼外書四事陀五
明論等莫不洞達則戒賢法師門人之上首五印度學者咸
共宗焉慧天於小乘十八部該綜明練近誘之德亦彼羅
重法師遊西日常共切磋彼雖半教有切然未措心於方等
為其執守偏見法師恒詎訶曲女城法集之時又深折挫
彼亦愧伏自別之後欽佇弗忘乃使同寺沙門法長將書并
寶讚頌及鬘兩端繪揚其心甚厚其書且發妙吉祥世尊

金對座一所摩訶菩提寺諸多聞衆所共圍繞上坐慧天致書
摩訶支那國於无量經律論妙盡精微木叉阿遮利邪教
向无量少病少惱我慧天慈甚今造佛大神變讀頌及諸
經論比量智等今附慈甚法長將往此无量多聞老大
德阿遮利邪智光竺同前致問鄒波素迦曰授誓首智南
今共寄白氎一雙亦不空心路遠莫嫌其少願領彼須經
論錄名附來當為抄送木叉阿遮利邪願知其為速賢
所慕如此五年春二月法長辭還又蒙報書法
師答并信物其書同父錄奏然後將付使人其詞曰
大唐國慈甚玄峩謹備書中印度摩揭陀國三藏智
光法師座前自一緋連俄十餘載境域遐遠音徽莫
聞思慈之情每增近結彼慈甚法長至蒙周并策起
居康豫豁然目朗若觀尊顏踴躍之懷筆墨難述
藉惟漸暖不審信後何如又往并使還承正法藏大法

師无常奉問摧割不能已焉乎可謂苦海舟沉天人眼
滅遷穢之痛何期速歟惟正法藏植慶叢晨樹切長劫
故得柱冲和之茂質標懿傑之宏才嗣德聖天繼耀龍
儀重燃智炬再立法幢撲炎火於邪山塞洪流於倒海
築疲徒於寶所示迷衆於大方溫之爲魏之爲實法門之
棟幹也又如三車半滿之教異道斷常之書莫不輟綜會
懷骨鍊心府必盤薄而流暢理隱昧而必顯使內外歸
依爲中慶之衆袖加心悔善誘曉夜不疲儼躋自盈弱
而不竭玄粹首回向道得願衆衆并荷指誨雅日庸愚
頗亦蓬依麻直及辭還本色厲累允深殷勤之言今猶在
耳方冀保安眉壽式贊玄風豈謂一朝奄歸萬古追惟
永往弥不可任伏惟法師夙秉雅訓早昇空室攀戀之情
當難可處奈何奈何有爲法介當可奈何顛自裁抑昔
天覺潛暉迦葉紹宣洪葉商那遷化龜多爛其嘉猷今

法將歸真法師次任其事。唯願清詞妙辯，共山海而恒流。
福智莊嚴，與五山而永久。玄牝所將，經論已翻。瑜伽師地，
論等大小，卅餘部。其俱舍、順正理、見譚、末周，今年必了。
即日。大唐天子聖躬萬福。率土安寧，以輪王之慈敷。
法王之化，所出經論並蒙神筆，製表序，令所司抄寫國
內流行。爰至隣邦，亦俱遵習。雖居像運之末，而法教光
華益盛。總之亦不異室羅筏樹多林之化也。伏願照知。又
前渡信渡河失經一帙，今錄。如後有信，請為附來。并有
片物供養，願垂納受。路遠不得多，莫嫌鮮薄。玄牝和南。
又慧天法師書曰：大唐國苾芻玄牝謹致書摩訶菩
提寺三藏慧天法師足下。前別稍久，公作唯深音寄。
不通，莫慰傾謁。彼苾芻法長至，辱書敬承，伏願用增欣
悅。又領白疊兩端，讚頌一夾，未意既厚，宣德愧以无當。
棟息々，氣漸和，不知信後體何如也。想融心一，百家。

之論栖慮九部之經達シテ法シテ懂シテ引歸宗之客シテ擊シテ克シテ勝シテ鼓シテ
挫シテ錄シテ腹之賓シテ頡頏シテ王シテ隻之前シテ柳シテ揚シテ英シテ俊之上シテ故名シテ歡シテ適シテ
也シテ玄シテ崑シテ庸シテ幣シテ氣シテ力シテ已シテ衰シテ又シテ加シテ念シテ德シテ欽シテ仁シテ唯シテ豐シテ榮シテ積シテ昔シテ日シテ
遊シテ方シテ在シテ彼シテ遇シテ矚シテ光シテ儀シテ曲シテ女シテ城シテ會シテ又シテ親シテ交シテ論シテ當シテ對シテ諸シテ王シテ及シテ
百シテ千シテ徒シテ衆シテ定シテ其シテ深シテ淺シテ此シテ立シテ大シテ乘シテ之シテ旨シテ彼シテ堅シテ牢シテ教シテ之シテ宗シテ往シテ
復シテ之間シテ詞シテ氣シテ不シテ元シテ高シテ下シテ勢シテ存シテ正シテ理シテ靡シテ護シテ人シテ情シテ以シテ此シテ逆シテ生シテ凌シテ
鱗シテ羅シテ席シテ後シテ尋シテ已シテ豁シテ然シテ今シテ來シテ使シテ僧シテ傳シテ法シテ師シテ寄シテ申シテ謝シテ悔シテ何シテ懷シテ
周シテ之シテ甚シテ也シテ法シテ師シテ淳シテ留シテ詩シテ清シテ志シテ堅シテ操シテ遠シテ阿シテ耨シテ連シテ水シテ无シテ以シテ其シテ
波シテ瀾シテ淨シテ未シテ足シテ殊シテ不シテ足シテ方シテ其シテ曠シテ潔シテ後シテ進シテ儀シテ表シテ隸シテ在シテ高シテ人シテ
顛シテ跬シテ良シテ規シテ闡シテ揚シテ正シテ法シテ至シテ如シテ理シテ周シテ言シテ極シテ无シテ越シテ大シテ乘シテ意シテ恨シテ法シテ
師シテ未シテ為シテ深シテ信シテ所シテ謂シテ耽シテ耽シテ羊シテ麻シテ并シテ被シテ白シテ牛シテ賞シテ受シテ水シテ精シテ捨シテ頗シテ
肱シテ迦シテ寶シテ明シテ大シテ德シテ何シテ此シテ惑シテ之シテ滯シテ歟シテ又シテ坏シテ器シテ之シテ身シテ浮シテ役シテ難シテ守シテ
宜シテ早シテ發シテ大シテ心シテ莊シテ嚴シテ正シテ見シテ勿シテ使シテ臨シテ終シテ方シテ致シテ嗟シテ悔シテ今シテ使シテ還シテ國シテ
證シテ此シテ代シテ誠シテ并シテ附シテ行シテ物シテ蓋シテ將シテ示シテ酬シテ未シテ億シテ未シテ是シテ盡シテ其シテ深シテ心シテ也シテ

顛知前還日渡信渡河靠陸一駄今錄名如別請為附
來餘不能委述茲茲玄玄粹謹呈


大慈恩寺三藏法師傳卷第七

三



大慈恩寺三藏法師傳卷第八

持寶院



大慈恩寺三藏法師傳卷第八

消門慧立本

起永徽六年夏五月譯理門論終顯慶元年春五

月百官謝示 御製寺碑文

極寺

六年夏五月康午法師以正譯之餘又譯理門論又先於
弘福寺譯因明論此二論各一卷大明立破方軌現比量門
譯寮僧伍覽造文疏時譯經僧拙玄將其論示尚藥奉
御呂才才遂更張衡術指其長短作用明註解立破義

京都大学
930248
圖書

圖序曰蓋聞一消一息範圍天地之儀大哉至哉變通
爻畫之紀理則未弘於方外事乃猶拘於域中推渾元而莫
知窮陰陽而不測豈聞象繫之表循開八正之門形器之
先更弘二智之教者也故能運空化而雙照真真俗而兩夷
泛六度於愛河駕三車於火宅是知法王法力超羣生而自
在自覺覺人摧衆魔而獨悟業運將略乃雷震而電躍
化緣斯極亦火滅而薪盡觀其應迹若有去來察此真常
本無生任但弘濟之道有緣斯應天祚明德無遠不
臻是以萌筌時昔神光聊見於曩時祥瑞有歸淨土咸
歎於茲日伏惟

皇唐之有天下也運金輪而臨四有掘璿極而撫萬方輝
慧日於大千蒸法雲於十地西越流沙遂荒妙樂之城東漸於
滄海掩有歡喜之都振聲教於無邊通車書於有頂遂使
百億須弥既咸頌於聖秩三千法界亦共沐於

皇風故令四方平度改荒服於蒿街十八肆陀譯梵文於
祕府乃有三藏玄奘法師者所謂當今之能仁也聰慧
夙成該覽宏瞻德業純粹律禁翹勤實三寶之棟梁四
衆之綱紀者也每以釋教東遷為日已久或恐邪正雜
擾水乳不分若不誓實相於加維驗真文於摩竭何
以成決定之藏為畢竟之宗者乎幸逢二儀交泰四
海無塵遂得禰衣李漢振錫慈嶺不由味於葯嶺直
路夷通豈藉佩於桂衡遙途近易於是窮河源於西域
涉埤水於東維採貝葉於鷲山窺金文於鶴樹所歷諸
國百有餘都所獲經論向七百部並傳以藩馳奉歸上
京因得面奉聖顏對揚宗極此因明論者即是三
藏所獲梵本之內之一部也理則苞括於三乘事乃
牢籠於百法研機空有之際發揮內外之宗雖詞約
而理弘實文微而義顯學之者當生不能窺其奧游

之者數載未足測其源以其衆妙之門是以先事翻譯
具有神泰法師靖邁法師明覺法師等並以神機昭晰
忠業兼該博習羣經多所通悟皆蒙別勅追赴法筵遂
得涵文請益執卷兼旨三藏既善宣法要妙盡幽深
泰法師等是以各錄所聞為之義疏詮表既定一方擬流
通無緣之後多未聞見復有栖玄法師者乃是才之幼
少之舊也昔通道於嵩岳膏枉步於山門既登仕於上
京猶曲曉於窮巷自蒙脩攝卅餘年切思之誠二難得盡
然法師節操精潔戒行冰霜學既昭達於一乘身乃拘
局於十誦才既覩其清苦時以開遮祈之但以內外不同
行已各異言戲之間是非鉅起師乃縱容謂才曰檀越雖
研味於六經探賾於百氏推陰陽之愆伏察律呂之忽
微又聞生平未見大玄詔問須臾即解由來不窺象
戲誠造旬日復成以此有限之心逢事即欲穿鑿但

以佛法玄妙量謂未與彼同雖復強學推尋恐非措
心之所何因今將內論翻用見議者平法師後逢因明
創行義趣幽隱是以先寫一通故將見遺仍附書云此論
極難深究玄妙比有聰明博識聽之多不能解今若復能
通之可謂內外俱悉矣其論既近至中夏才實未之前
聞恥於被誡不知為復強加披閱於是依極成而探深義
過此量而求微旨及覆再三博識宗趣後復借得諸法師
等三家義疏更加究習然以諸法師等雖復序致衆當文
理會通既以執見衆老所說自相矛盾義既同棄三藏豈
合更開二門但由置發蕭牆故容外侮闕測然佛以一音
演說亦許隨類各解何必獨簡白衣不為衆生之例才
以公務之餘輒為斯注至於三法師等所說善者因而
成之其有疑者立而破之分為上中下卷首立破注解
其間畧書者即是論之本文其朱書注者以存師等

舊說其下墨書注者是才今之新撰用次師等前義
凡有冊餘條自鄆已下猶未具錄至於文理隱伏稍難見
者仍畫為義圖共相比校仍更別撰一方大大圖獨存才
之近注論既外無人解無處道聽途說若言生而知之固
非才之望也然以學無再請尚日傳燈聞一知十方稱
殆庶况平生平不見羣公輒事含毫今既不由師資
淺解能無舛紊竊聞雪山夜叉說生滅法丘井野獸歎未
曾有為令所言合理尚得天仙歸敬才之所注庶幾於茲
法師等若能忘狐鬼之微陋思句味之可尊擇善而從
不蘭真俗此則如來之道不墜於地知之者衆何常之
有必以心未忘於人我義不察於是非才亦扣其兩端猶擬
質之三藏

秋七月己巳譯經沙門慧立聞而愍之因致書于左僕射
燕國于公論其利害日立聞諸佛之立教也文言奧遠旨

義出深等圓空之廓察類滄波之浩汗談真如之性相
居十地而尚迷說小草之因緣象無生其猶昧况有縈
纏八邪之網沈淪四倒之流而欲窺究竟宗因辯歎同異
者無乃妄哉竊見大慈恩寺翻譯法慧基師早樹智力
夙成行潔珠璋操逾松杞遂能躬遊聖域詢稟山薇言
摠三藏於胸懷シヤウニ包四含於掌握嗣清徽於曩哲シヤウニ遺範
於當今實李偕丹航信緇林之龜鏡者也ハ所翻聖教已
三百餘軸中有小論題曰因明詮論難之旨歸序折邪
之軌式雖未為玄門之要妙然亦非造次之所知也近聞尚
藥呂奉御以常人之資竊衆師之說造因明圖釋宗因
義不能精悟好起異端苟覓聲譽妄為穿鑿セリ誹衆
德之正說任我揚之編心媒術公弼之前點喧街巷之
側不惑顏厚靡倦神勞再歷炎涼情猶未已出奉御於
俗事少閑遂謂真宗可了何異鼯鼠見金甌之堪

陟乃言崑閬之非難蛛蝥觀棘林之易羅亦謂扶桑之
可網不量涯分何殊此焉柳又聞之大音希聲大辯若
訥所以淨名會理杜口毗城尼父德高徇徇弭堂又叔度汪
汪之稱允禮摸楷之譽亦未聞誇覓自媒而獲楷紳之推
仰也玄立致書其事遂寢

冬十月丁酉太常博士柳宣聞其事寢乃作歸敬書偈以

敬謹經僧衆白

稽首諸佛 顛護神威 當陳誠請 同感尤譏

沈晦未悟 圓覺所歸 久淪愛衆 舟楫攸希

異執乖覺 和合是依 玄離取有 理絕過違

慢乖八正 戲入百非 取捨同辯 染淨混成

簡金去礫 琢玉裨輝 能仁普鑒 激慮研幾

契誠大道 孰敢敷辭 諤諤崇德 唯唯侵衰

惟願留聽 庶有發揮 望矜惻惻 垂誨嗟嗟

歸敬曰首能仁示現王宮假張雙樹敬信既暢至理亦和
刹土蒙攝受之恩懷生靈昭蘇之惠自佛樹西蔭覺歎
東臨漢魏寔為盪蕩符姚感其風教自是名僧間出賢達
連驥慧日長懸法輪恒馭開鑒之初始自騰頭弘闡之
力仍資什安別有單開遠適羅浮面澄近現趙魏粗
言主甫未可矮陳莫不辯空有於一乘論苦集於四諦假
^鈴明有終末離於有為息言明道方契證於寂寂猶執
玄以求玄是玄非玄理因玄以妄玄之惑是玄義雖真會終
途乖理絕於言象然攝生歸寂終藉筌蹄亦既立言是非
鋒起如彼戰爭于戈竟發負者屏氣勝者先鳴故尚降
魔制諸外道自非辯才無畏吞難有方則物策喧張我
等恥辱是故專心適道一意修持建立法幢祇植法鼓
旗鼓既正則敵者殘摧法輪既轉能威不伏若使聖風
旗靡對難合膠而能闡弘三寶無有是處尚樂昌奉御

入空有之門。馳心見之路。聞持擬於昔賢。洞寂俾於往哲。其
詞辯其義明。其德貞其行著。已沐八解之流。又悟七覺之
分。歎聖成教。若淨名之詣菴園。聞道必求。猶波喻之歸
無竭。意在弘宣佛教。立破因明之疏。若其是也。必須然其
長如其非理。合指其所短。今現僧徒雲集。並是採石他山。
朝野俱聞。良君請益。莫不側聽。臨瓶皆望。盪滌悼悔之
頓銷。屏歟念之聚。有大史令李淳風者。聞而進曰。僕心懷
玉路。行屬歸依。以實慧為大覺。玄軀無為是。調御法體然。
皎日懸天。寔助上玄。運用賢僧。闡法實裨。天師妙道。是所
信受。是所安心。俱不敢以黃葉為金山。雞成鳳。南郭謾吹
溜澠。混流耳。或有異議。豈僕心哉。豈僕心哉。出鶴林已後。
歲將二十。正法既通。末法初踐。玄理鬱鬱而不彰。覺道慢
將湮落。玄界法師。頭陀法界。遠達迦維。目繫道樹。金流
仍覩七處八會。毗城鷲嶺。身入彼邦。娑羅寶階。仍驗虛

實至如歷覽王舍檀特恒河如斯等輩未易具言也加
之西域名僧莫不面論波若東國教義悉皆質之彼師毗
尼之藏既奉持而不捨毗曇明義亦洞觀而為常蘊垢路
既得之於聲明稱多羅亦剖斷於疑滯法無大小莫不
韞之胸懷理無深淺悉能決之敏慮故三藏之名振且
之所推定麻訶之号乃羅衛之所共稱名實之際何可稍
道也呂君學識該博義理精通言行樞機是所詳悉至於
陀羅佛法棄自生知無礙辯才寧由伏習但以因明義
隱所執不同觸寫各得其形共器飲有異色呂君既已執
情道俗企望指定秋霜已降側聽鍾鳴法雲既敷雷震希
發但龍馬蹴蹋非驢所堪猶緇服盡白衣不踐脫如
龍種杭訖無垢釋疑則茲言悉是曇忍優婆能盡輒附
微志請不為煩若有滯疑望三藏裁決以所承稟傳示四
衆則正道克昌覆障永絕紹隆三寶其在茲乎過此已往

非復所志第子柳宣白

庚子譚經僧明濬咨柳博士宣以還述頌言其得失日

於赫大聖 覺種圓明 無幽不察 如響翻聲

弗資延慶 孰悟歸誠 良道可仰 寔引迷生

百川邪浪 一味吞并 物有取捨 正匪虧盈

八邪馳競 四句爭名 飾非濫是 杵重為輕

照日冰散 投珠水清 顯元上德 體道居貞

綴加譽毀 未動遺策 昂昂令哲 懋懋懋情

俟諸達觀 定此權衡 聊申排排 用簡英英

還述曰頃於望表願瞻歸教之詞覽其文煥乎何傳麗

也詳其致誠哉豈不然歟悲夫愛海泊天邪山槩日封

人我者顛墜其何已恃慢結者沉淪而不窮故六十二見

爭競蒼蒼而自慶九十五道覺狀伏以忘歸如來以本願大悲

去緣俯應內圓四智外顯六通通十力以伏天魔飛七辯

而權外道竭茲愛海濟棄識於三空弥彼耶山駁有於
八正指因示果及本還源大矣哉悲智妙用無得而言象
昔道樹登庸被聲教於百億堅林寢迹振遺烈於三
千自佛日西傾餘光東照周感夜明之瑞漢通霄夢之徵
騰蘭蕤慧炬於前澄什嗣傳燈於後其於譯經弘
法神異濟時高論降邪安禪肅物綽頽綢者接武維
施^切者^有隨莫不^竟欽風出明翼化^華靡替可
略而詳惟今三藏法師蘊靈秀出含章而體一味瓶瀉
以瞻五乘悲去聖之逾遠憫來教之多闕緬思圓義許
道以身心口自謀形歎相予振衣警錫討本尋源出玉
關而遠遊指金河而一息警寂梵宇探幽洞啟旋化神
羽楊真弥認遺詮闕典大倫茲辰方等圓宗弥廣前烈
所明勝義妙施環中之中真性真空極論方外之外以有
取也有取喪其真就無求之無求盡其實拂二邊之

迹忘中道之相則累遠未易泊與深重空何以臻其極
要矣妙矣至哉大哉契之於心也後以之為法在心為
法形言為教法有自相共相教乃遮詮表詮棒旨沖宗
豈造次所能覷縷法師淑神俊智詳本正末涓熙玄
藉大啓幽關秘希聲應和擊之大小廓義海納朝宗
之巨細於是殊方碩德異域高僧伏膺問道蓄疑請
益固已飲和滿腹莫測其淺深聆音駭聽孰知其遠
迤至於因明小道現比蓋微斯乃指初學之方隅舉立
論之標幟至若靈樞秘鍵妙本成功備諸奧冊非此所
云也呂奉御以風神爽拔早擅多能器宇該通夙鄣博物
弋獵開墳之典鉤深擷璧之書觸類而長窮諸數術
振風颺於翰圓播光華於翰林驤首雲中先鳴旦下五
行資其筆削六位佇其高談一覽太玄應問便釋再
尋象戲之試即成寶晉代茂先漢朝曼倩方今篋

如也既而翔翔群略綽有餘切而敬慕大乘夙孰成信
此因文生戲尔忽復屬想因明不以師資率已穿鑿比
決諸疏指序求非誼議於朝欣於造次考其志也固已難
加竅其知也誠為可惑此以一卷成部五紙成卷研機三
疏向已一周舉非四十自無一是自既無是而能言是疏本無
非而能言非言非不非言是不是言是不是是而恒非言
非不非非非而恒是非非恒是不為是所是是是恒非不
為非所非以茲貶失致惑病諸且據生因了因執一體而云
二義能了所了封一名而惑二體又以宗依宗體面依去體
以為宗喻體喻依去體面依而為喻依斯兩你妄起多
疑迷一極成認生七難但以鑽窮第二論師已一心滯文句於上
下誤字音於平去後以數論為聲論舉生懷為滅壞豈
唯差離合之宗目蓋亦違倒順之前後又探鄒理訛韻
以擬梵本轉音雖復廣授七種而當彼一轉然非彼七所

目乃是第八呼聲。殊雜乖訛。何從而至。又案昧論立常
極微數。乃無窮體。唯極小後漸和合。生諸子微數。則倍
減於常微體。又倍增於父母。迄乎終已。體遍大千。究其
所窮數。唯是一。且公所引易繫詞云。太極生兩儀。二生
四象。三生八卦。四生萬物。云此與彼言異義同。今案大
極無形。肇生有象。元資一氣。終成萬物。豈得以多生一。而
例一生多。引類欲顯博聞義。而復何所託。設引大例生義。
似同。若釋同於邪見。深累如何。自免。豈得苟要時譽。混
正同邪。非身之讎矣。至於此凡。所批秦胡可勝言。特由率
已致斯狼狽。既不正。枝葉自傾。遂誤生疑。隨疑設難。曲
形直。歟。其可得乎。試舉二三。莫詳大意。深疵繁緒。委吞
如別。尋丈。呂公達墜豈孟浪。而至此哉。示顯真俗雲。涯
難易楚越。因鄒佛教弘遠。正法激深。僻濫鑪非。掬雪所投。渤
解豈膠舟能載也。太史令李君者。靈府沈秘。襟期邈遠。

專精九數綜涉古文博考墳圖瞻觀雲物鄙衛宏之失
度陋禪竈之末工神無滯用望實斯在既屬呂公餘論復
致問言以實際為大覺玄軀無為是調御法體此乃信董從
容有公證稟自然終不可成良恐言似而意違詞近而旨遠
天師妙道奉以再斯且殺代天師崔君特廖共貽仰各夫復
何言雖謂不混於淄澠蓋已濫金鑰耳惟公逸宇寥廓學
殫墳素庇身以仁義應物以樞機肅馬汪公年與崔到節
以于雲淡清瀾而鎮地騰芳文苑職處儒林樞機九疇之
宗研詳二戴之說至於經礼三百曲礼三千莫不義符指掌
事如俯拾孳俎咸推其准的法度必得其雌黃遂令相鼠
之詩絕聞於野魚驪之詠盈耳於朝惟名與實盡善盡
美而誠敬之重稟自夙成弘護之心實惟素蓄屬斯誼
議同恥疚懷故能投刺含膠允光太義非夫才兼內外
照實鄰幾遂能激揚清濁睹俗匡真者邪音什公門下

服道者三千今此會中同聽者如市貧道猥以庸陋叨

廁未遑雖慶朝聞終慙夕惕詳以造疏三德並是貫

達五乘西文七百牘初軍窺詞峯難仰既屬高羊敬禪而需津

必需詞雷迅發恐無暇掩耳會議古人曰一枝可以戢州何

繁平鄧林潢誇足以沈鱗豈俟於滄海故不以愚頓垂

逼課虛辭弗獲免粗陳梗槩雖文不足取而義或可觀

願已庸疎茲增悚慙指述還答餘無所申釋明潘白

後卯豈得書又激呂奉御因奏其事勅遣群公學士

等往慈恩請三藏與呂公對定詞屈謝而退馬顯慶元

年春正月景寅皇太子忠自以非嫡不敢久處元良乃

慕太伯之規陳表累讓大帝從之封忠為梁王賜物一

萬段甲第一區即以其月冊代王弘為皇太子

代子就大慈恩寺為皇太子設五千僧齋人施布帛三段

勅遣朝臣行香時黃門侍郎薛元超并書侍郎李義府因

叅法師遂問曰翻經固法門之美未審更有何事可以先揚
又不知古來翻譯儀式如何法師報曰法藏神奧通演實難
然則內闡住地由平釋種外護逮立屬在帝王所以泛海
之舟能馳千里依松之葛遂疎萬尋附託勝緣方能廣益今
漢魏遙遠未可詳論且陳符姚已來翻宣經論除僧之外
君長贊助者符堅時曇摩難提譯經黃門郎趙整執筆姚
興時鳩摩羅什譯經姚主及安城侯姚嵩執筆後魏菩提留
皮譯經符中崔光執筆及製紙序齊梁周隋並皆如是
貞觀初波頗羅那譯經勅左僕射房玄齡趙郡王李孝恭
太子詹事杜正倫太府卿蕭瑒等暨閣詳絹今獨無此
又慈恩寺聖上為文德聖皇后營建壯麗輪奐古今
莫傳未得建碑傳芳亦後顯揚之極莫過於此公等能
為致言則斯美可至二公許諾而去明日因朝遂為法師陳
奏天皇皆可之壬辰光祿大夫中書并魚檢校太子詹事

監祔國史樞國固安縣開國公崔敦禮宣勅曰大慈恩

寺僧玄奘所翻經論既翻譯文義須精宜令太子太傅

尚書左僕射燕國公于志寧中書令魚撿校吏部尚書南

陽縣開國男來濟禮部尚書高陽縣開國男許敬宗字

黃門侍郎魚撿校太子左庶子汾陰縣開國男薛元超字

中書侍郎魚撿校右庶子廣平縣開國男李義府中書

侍郎杜正倫等時為省闕有不穩便處即隨事潤色若

須學士在量追三兩入罷朝後勅遣內給事王君德奏報

法師去師須官人助翻經者已處分于志寧等令往其

碑文朕望自作不知稱師意不且令相報法師既奉綸

旨允慰宿心當對使人悲喜不覺淚流襟袖聖旨法師

自羣徒眾等詣朝堂奉表陳謝表文二月有足寶乘

者高祖神堯皇帝之嫡姪弟隋襄州總管臨河公薛道

衡之女也德芳服管美檀栾開父薛學業見稱女亦不

勸家訓妙通經史無善文本

大業初時後其受學嗣

位之後以師傳舊恩封河東郡夫人禮敬甚重夫人情慕
出家帝從其志為禁中別造鶴林寺而處之并建碑
述德又度侍者數十人並回事公給將進具戒至其月十日
勅迎法師并將大德九人各一侍者赴鶴林寺為河東郡夫
人降_下受戒又勅莊校寶車十乘音聲車十乘待於
景曜門_門內先將馬_馬就寺迎接入城門已方乃登車_車發引大德
居前音聲後後是時春之仲月景物妍華柳_柳翠桃_桃紅松
青霧碧錦軒紫蓋交映其間飄然猶給園之眾適王城
矣既到安置別館設壇席為寶乘等五十餘人受戒准
法師一人為闍梨諸德為證而已三日方了受戒已復命
巧_巧工吳智敏_{智敏}圖十師形_形留之供養其鶴林側先有德業寺
居眾數百又奏請法師受菩薩戒於是復往德業事訖
辭還_還賜施隆重勅遣內給事王君_{王君}將千_千力執花蓋引

送衢路觀者極生喜矣鶴林後改為隱國寺寺無幾
御製碑文成勅遣太尉公長孫無忌以碑宣示群公其
詞曰朕聞乾坤締構之初品物權輿之始莫不載形后
土藉覆宮蒼然則二曜輝天靡測盈虛之象四溟紀
地豈究波瀾之極况千法門冲寂現生不滅之前聖教
宰龍亦有無形之外故以道光唐劫化洽含靈者矣緬
惟王宮發迹蓮披起靈之花神沼騰光樹曲靈位之幹
演德壽於庶莩會多士於龍宮福已罪之羣生興將滅
之人代能使下愚梲道骨碎寒林之野上招欽風魂
沉雪山之隅絲流法雨清火宅而鋒炎輪昇慧日較重
昏而歸晝朕然覽細史詳觀道藝福崇永劫者其唯釋
教歟文德皇太后憑柯瓊樹疏沅璿源德昭塗山道光
媽泐流芬厥管軌懸則於八紘垂訓繁宮扇徽猷於萬古
遷而陰精掩月永嚴貞輝神維施細長淪茂疏撫逾鏡

而增感望陟阼而何追等仲由興歎於千鍾唐丘致
哀於三失朕之同極實有切於終身故載懷興晉創茲
金地却背郊郊點千莊之樹錦前臨終岳生百仞
之岑蓮左面八川水皎地而分鏡右隣九達羽飛蓋而
連雲柝天府之奧區信上京之勝地余其雕軒架迥綺
閭凌虛丹空曉焉燁日宮而汎敷素天初免鑒月殿
而澄輝薰徑秋蘭疎遲佩紫芳巖冬桂密戶藪丹
燈珠繁花焰轉煙心之鶴播標迥利殺紫天外之飛
陞參差含文露而栖玉軒簾舒卷銅塵宿而鋪珠霞斑
任岫之紅池漠沈煙之翠鳴珮与宵鍾含韻和風共展
梵兮音豈直香積天宮遠輶輪奕闕風仙闕遙愧雕
華而已哉有玄世法師者寔真如之冠冕也器宇凝邃
若清風之肅長松縛思繁蔚如綺霞之輝迥漠騰今
照古之智慧自生知萬葉懷真之振發半結齒疏

標一代邁生遠以照前通秀年齡繁澄什而光後以
為淳風替古流俗移今悲臣夜之長昏痛微言之永
辭遂迴投迹異域廣殮祕教垂杯雲漢之外振錫煙霞
之表泊天臣海侵驚浪而羈遊巨地嚴霜犯淒氣而獨
逝平郊散緒衣單雪嶺之風曠野佐輪肥弊流沙之
日超征月路歎對宵而暫雙遠邁危峯形臨朝而永俛
跡窮智境探蹟至真心聲玄津研幾祕術通晉賢之
所不逮悟先典之所未聞遂得金條流續將新之教
寶偶西從補已缺之文千時迴瞻靈基極心此地弘宣奧
旨慕重翠於秋林遠闢幽關波弄清於定水朕所以虔
誠八正肅志雙林廢延景福式資冥助奉願皇太后道
遙六度神遊丹闕之前偃息四洲魂昇紫極之境悲夫
玉燭易往促四序於炎涼金箭難留馳六龍於晷漏忍波
遼樹在夷濱海於桑田地是勢非淪高岸為幽谷於是

敬刊貞石式旌真境其銘曰

三光昭象萬品流形人迹超忽時代虛盈淳風久謝流俗
潛生愛波涵識葉霧昏情倚歎調御迦誰騰迹妙道
垂幽玄源控窳驚乍返峙龍宮廣闢慧日舒光慈雲吐
液睠言聖教載想德音義崇往劫道冠來今騰神九域
晦迹雙林漠夢如在周星遽沉悲鍾盞鏡哀深棟宇濯
龍潛潤樹風動緒霜露朝侵風枝夕舉震車一駕德
武方沾乃興輪奐寔構雕華紫棟留月虹梁藻霞雲
窓散葉風沼翻花蓋伍鳳樓橋側虹斜爰有慧命英
器虛冲孤標千載獨步三空給園味道雪嶺飡風智燈
再朗真筌重崇四運流連六龍馳驚巨夜銷氣幽關啓
曙茂德垂範徽塵表譽勒義披文遐年永著

三月庚申羣公等奉


聖製咸詣朝堂上表陳謝日跪

發天華觀河宗之奇噴霞開秘笈聆雲英之飄曲色

萬葉之鴻規龍子祀之殊觀想超度林莫知所限竊以
慧日西照胡臣夜而開真法流東後洽陳茲而挺秀無
方之化不一應物之理同歸應代迄茲咸崇斯典伏惟
陛下垂衣截海作鏡中區錫類之道赫光出要之津尤重
開給園於勝境延稱首以閑居地窮輪奐人標龍馬重
茲濬發冲百爰製豐碑妙思難涯玄襟獨王義超繫
表理遠環翠原等風蔽真宗幸窺天藻以均堂之量
揣靈整肅之後豁群蟬之情議何驥之遐壽或歌且舞咸
誦在心脩覽周遑不勝欣躍

大慈恩寺三藏法師傳卷第八





大慈寺三藏法師

持明院



大慈恩寺三藏法師傳卷第九

沙門慧立奉 釋教

起顯慶元年三月謝慈恩寺碑成終二年十月法

師謝勅問病表

極寺

顯慶元年春三月癸亥 御製大慈恩寺碑文訖時

禮部尚書許敬宗遣使送碑文與法師鴻臚寺又有

符下寺甲子法師率寺衆詣闕陳謝曰沙門玄奘言

被鴻臚寺符伏奉 勅旨親紆聖筆為大慈恩寺

京都大學
930248
圖書

所製碑文已成穀津傍臨宸詞曲照玄門益繁祀侶增
榮踞厚地而懷輒肩增穹而察力玄井聞造化之功既
播物而成教聖人之道亦日輝以見情然則盡卦垂文
空談於形器設爻分象未踰於寰域義皇之德尚見稱
於前古姬后之風亦獨高於後代豈若開物成務闡八政
以摘章詮道立言證三明而導俗理窮天地之表情談
日月之外敷其優劣斯為盛矣伏惟
皇帝陛下金輪
在運玉曆垂時化溢四州仁覃九有道已將聖切茂西
神縱多能於生知資羣由於天至始悲虛鏡即創松提俄
樹勝幢更敷文律若乃天華頻發睿藻波騰吞筆海
而孕龍宮掩詞林而包鸛樹內詠八藏外敷六經奧而能
曲宏而且密固使給園遺迹託寶思而弥高奈苑餘芳
假瓊章而不昧豈直抑揚夢境昭晰迷塗諒以銘範四
氏宰龍仁果者矣玄共言行無取猥預緇徒亟而惠顧

每謂多事重奏曲成之造欣逢像法之盛且輕且躍實用吏
懷無任疎載之誠謹詣朝堂奉表陳謝し并法師又惟主
上文明天縱聖而多能非直父羅魏君亦乃書邁漢主法
師以見碑是聖文其書亦望神筆目詣闕請 皇帝
自書表曰沙門玄奘等言竊以應物垂象神用溥該隨時
設教聖功畢盡是知日月雙朗始極經天之運卉木俱秀
方窮麗地之德伏惟 皇帝陛下智周萬物弘露三東既
隆景化復聞玄風鄙姬穆之好道空賞瑤池之詠藻
漢莊之崇法徒聞白馬之祠遂乃俯降天文遠揚幽旨用
助豐琬長垂茂則同六英之發音若五緯之稱曜數至
懷而感俗弘大誓以匡時豈獨垂贊真如顯揚玄蹟者也
雅王藻斯暢翠版將刊而銀鈎未書丹字猶韞然則首夏
樂已繁匪里曲之堪預龍珥既晝何燭火之能明非夫牙
曠撫律儀和聽馭焉得揚法敷之大音裨慧日之仲夏

敢緣斯義曾用于祈伏乞成茲具義勒以神筆廣凌雲
之妙邁跡前王垂露之奇騰茲後聖金聲玉振而悟群
迷鳳者龍盤將開衆瞽豈止克隆像教懷生靈莫大
之恩實亦奉贊明時宗社享無疆之福玄契稟識愚淺
謬齒緇林本慙窺涉多虧律行猥辱宸詞過蒙褒
美雅驚惕之甚措類無地而慙懇之懇翹誠有日重敢
唐蹟更慄冰火表卷不納景當法師收請曰昨日蒙
天藻喜載不勝末乞神翰翹每尚擁稿以焚禁奇樹
必含笑而多芳疏寶玉岑亦銀渥而貽教伏惟陛下提衡
執粹垂拱太寧睿思綺毫府淑多藝鴻範光於涌浴草聖
茂於臨池玄粹肅荷前恩奉若華於金鏡冒希後澤佇桂
欽於銀鈞豈直合璧相循聯耀是作亦恐非天翰無以懸
日月之文唯願則可以據希微之軌馳魂渥首非所敢望
不勝積慙昧死陳請表奏帝方運神筆法師既蒙帝許

不勝喜慶表謝曰沙門玄峩言伏奉勅旨許降宸筆
勒御製大慈恩寺碑文靈詰受臻論慈猥集祗荷
輒惕因知攸措玄峩周強弩在數鼉鼠不足動
其機鴻鍾匿音緘筆無以發其響不謂日臨月照
遂迴景於空門而潤雲蒸乃照感於玄寺是所願也
豈所圖焉伏惟陛下履翼乘撫握哀矜運退軒邁頌
孕夏吞輟演衆妙以陶時物多繁而景俗九域之內既
沐仁風四天之表亦霑玄化然則津梁之法非至聖無
足闡其源幽贊之工非至人何以數其迹雖遠所經
自動天情而冥祐可祈即迴宸睞英詞曲被既起希
代之跡秘迹行用將踰絕價之寶凡在群品靡弗欣
戴然彼梵徒倍增虔躍夢鈎天之廣樂近此非奇得
輪王之鑄珠疇茲豈貴庶當刊以貞石用樹福庭蠢彼
迷生方用耳目咸平法炬傳諸未來使夫瞻寶像而欽

銀鉤發誓提於此日誦道文而探賸悟股若於斯城劫城
窮亦昭昭之美恒存遷海環來萬之風無朽玄奘出自凡
品夙慙行業既蒙落飾思圖玄猷往涉迦維本憑皇化造
茲翻譯復承朝將而貞觀之際溫沐洪慈永徽以來更
叨殊遇二主神筆猥賜褒揚兩朝聖藻亟垂榮飾
領循愚劣實懷兢懼輸報之誠不忘昏曉但以恩深
巨輕豈滴水之能酬施厚嵩岳匪纖塵之可謝唯當憑
諸慧力運以無方資景祚於園籙助隆基於吉音不任陳
戴之至謹附內給事臣王君德奉表陳謝以聞輕化威嚴伏
深戰慄夏四月八日帝書碑并近雙執將欲送寺法師慙
荷聖慈不敢空然待送乃率慈恩徒衆及京城僧尼各
營幢蓋寶帳幡花共至芳林門迎勅又遣太常九部樂
長安萬年二縣音聲共送幢寂卑者上出雲霓幡極
鉅者猶舞霜漠凡三百餘事音聲軍千餘衆至寺真

集城西安福門街其夜雨八日路不堪行勅遣王傳供送
師入內至十日天景晴霽勅遣依前陳設十四日旦方乃
引教幢幡等次第陳列從芳林門至慈恩寺廿里間燭然
盈滿帝登安福門樓望之甚悅京都士女觀者百餘萬
人至十五日度僧七人設二千僧齋陳九部樂等於佛殿
前日晚方散至十六日法師又與徒衆詣朝堂陳謝碑至
寺表曰沙門玄奘等言今月十四日伏奉勅旨送御書大
慈恩寺碑并設九部樂供養光日台聖先增惠炬之暉輝
海通波更足法流之廣豐碑巖峙天文景燭狀殊霞之
暎靈山數縹宿之臨仙嶠凡在緇素電激雲奔瞻奉驚躍
得未曾有竊以八卦垂文爰發繫觀鳥制法法麟敷典
聖人能事畢見於茲將以軌物垂範隨時立訓陶鑄生
靈栴揚風烈然則秦皇刻石獨照義於封禪魏后刊碑徒
泥切於太師舊猶稱題且高視宸王率若親尊敬慕俯

仙翰金卷發韻銀鈎迹探龍宮而架三玄執鳳篆而
窮八體揚春波而騁思滌秋露以標奇弘一乘之妙理
贊六度幽蹟化牕三千之城聲騰百億之外奈瑩微言
假天詞而更顯竹林開士託神筆而弥尊固使梵志歸
心截數綫而祇訓波旬草慮偈邪山而徇道豈止唐門之士
始悟迷方滯夢之賓行超苦際像教東漸年垂六百弘
闡之盛未若於茲至如漢明通感尚資謀於傳教吳主
歸崇猶考數於闕澤自斯已降無之稱者隨緣化物獨
推昭運為善必應克峻昌基若金輪之王神切不測同寶
冠之帝休祚方永玄牁等認忝朝恩幸登玄肆屬茲
雲重布法鼓再揚三明之化既隆八正之門長闢而願
非負愆虛蒙將導作曾曼而荷澤府浚谷以懷輒無任疎
戴之誠謹詣闕陳謝以聞碑至有司於佛殿前東北角別造
碑座安之其書複壯重檀雲相綺揀金花下世寶鐸上輝

仙掌露盤一同靈塔帝善楷草錄尤精飛白其碑作
行書又用飛白勢作顯慶元年四字並窮神妙觀者日數千
人文武三品已上表乞摸打許之自結繩息用文字代興二篆
形殊楷草勢異賒斜垂露雲氣偃波銘石章程公行押古
人年有短長不能兼美至如漢元稱善史書魏武上於草
行鍾繇困於三體王仲妙於八分劉邵張弘發譽於飛白
伯英子王流名於草聖唯中郎右軍稍兼衆美亦不能盡
也故傳父休見二王書曰二王自可稱能未是知書也若其
天鋒秀拔顧鬱道健談古賢之衆體盡先括之多能為
豪翰之陽春文字之寬和者信歸之於我皇矣法師少日
聰習及徃西方涉凌山雪嶺遂得冷病發即封心屢經
困苦數年已來準藥防禦得定今夏五月日熱退涼遂動
舊疾幾將不濟道俗憂懼中書聞奏勅遣供奉上寮
尚藥奉御將孝章針鑿上藥踪專看所須藥餌令

送北門使者曰有哉般造祠氣復速報消息乃至眠寢
處所皆遣內局上手安量其珍惜如是雖慈父之於子所
不過也孝章等給侍鑿藥晝夜不離經五日方損內
外情安法師既荷聖恩翌日進表謝曰沙門玄奘言玄
奘拙自營衛令疾增動幾至縣舊殆殚 照運天恩矜
閱降以良醫針藥纔加即蒙瘳癒駐顏齡於欲盡及
梵魄於將消重覩昌時復遵明導豈止膏肓永絕腠
理恒調而已顧循庸菲屢荷殊澤施厚命輕因知輸報准
準慧力庶酬冥祉玄奘猶自虛憊未堪詣闕陳謝无
任竦戴之至謹遣弟子大乘光奉表以聞 帝覽表遣
給事王君德慰問法師曰既初服藥後氣力固當虛劣請
法師善自攝衛未宜即用心力法師又蒙聖問不勝喜懼之
至又表謝曰沙門玄奘言玄奘業累所嬰致招疾苦呼吸
之煩幾隳明時忽蒙皇帝皇后降慈悲之念垂性命之

夏 天使頻備有逾十慰神藥俯救若遇一丸飲沐聖
慈已祛沉病兼荷醫療遂得痊除豈期已逝之魂見
招於上帝將交之壽重稟於洪鑪退者庸蔽何以當此
撫膺媿越言不足宣荷殊澤而詎勝粉微軀而靡謝方
冀弱茲礼誦罄此身心以答不貲之恩少塞無窮之責無
任咸戴之極謹附表謝聞喜懼無并同知收措庶贖聽
覽伏增惶悚貞觀十一年有 勅曰老子是朕祖宗名
位稱号宜在佛先特普光寺大德法常特持寺大德普
應等數百人於朝堂陳諱未蒙改正法師還國來已頻
內奏許有高量未果而父帝昇遐永徽六年先有
勅道士僧等犯罪情難知者可同俗法推勅遠官人
不閑勅意事無大小動行枷杖虧辱為甚法師每憂之
日疾委頓慮更不見 天顏乃附人陳前二事於國非便
主冀命書自 恕不獲後 謹附啓聞伏枕惶懼勅述

載云所陳之事聞之俱佛道後。先朝屢弘事頒平章。其因俗勅即遣傳廢師且安意強進湯藥至二十三日降勅曰道教清虛釋典微妙廢物藉其津梁三界之所遵作此為法末人流多違制律且摧依俗法以申懲誡莫在止惡非是以人輕法但出家人等具有制條更別推耕恐為勞擾前令道士女道士僧尼有絕依俗法者宜停慈有違化軍依條制法師既荷茲聖澤奉表詣闕陳謝。沙門玄奘言伏見勅旨僧尼等有過傳依俗法之愆還依舊格非公之澤忽委緇徒不誓之恩復霑玄肆晞陽沐道實用光華竭地循躬唯增震惕竊以法王既沒像化空傳崇紹之規寄諸明后伏惟皇帝陛下寶圖御極金輪秉正睠茲釋教戴懷宣南以為落飾玄門外異流俗雖情牽五濁律行少虧而體被三衣福田斯在削玉條之密網布以寬

仁信金口之真詞允茲迴向斯固天祇載悅應之以休
微豈止梵侶懷恩加之以貞確若有背茲寬貸自貽伊
咎則違大師之嚴旨虧聖主之深慈凡在明靈自宜謹
謫豈待平反之律方科奸妄之罪玄弊庸昧猥廁法流
每忝鴻恩已懷慙惕重祗殊將祢復兢惶但以迫嬰疾
疴不獲隨例謹詣闕無任諫戴之誠謹遣弟子大乘光
奉表陳謝以聞自是僧徒得安禪誦矣法師悲善文集
不覺淚霑衿袖不勝杵躍之至又重進表謝曰沙門玄弊
言伏奉見 恩勅除僧等依俗法推勸祿善戴之誠莫
知誰辭竊尋正法隆替隨君上所杵揚彝倫博厚儼玄
風以興缺自聖運在璿明皇執粹軌崇道藝區別玄儒
開不二之鍵廣唯一之轍寫龍宮於蓬閣接鸞壤於神
畢俾夫鍾梵之聲洋溢區宇福善之業濯沐黎萌寔法
門之嘉會羣土之幸甚須為僧徒不整誨馭亦方致

使內虧佛教外犯王法一人獲罪舉衆蒙塵遂觸天威令
依俗法所期清肅志在懲誡僧等震懼夙夜慙惶而聖
鑒天臨仁澤昭被萬緣期於玄妙掩緘垢於含弘爰降殊
恩釋茲嚴罰非其人之足惜顧斯法之可尊遂令入綱之
魚復游江漢觸籠之鳥還颺杳冥法水混更而清福
田鹵而還汝僧等各深荷戴人知自勉庶當勵情去惡以
副天心專精礼念用答鴻造狀願 皇帝皇后以弘隆
之切永凝百福乘慈悲之業端拱萬春 震城締祥維
城具美不勝舞躍感荷之至謹重附表陳謝以聞輕贖
冤疏伏憎惶恐 帝覽表知法師病愈遣使迎法師入
安養於徽陰院之西閣供養仍被翻譯或經二句三句
乃一出冬十月中宮在難歸依三寶請垂加祐法師
啓曰 聖體必安和元苦然所懷者是男平安之後願
聽出家當蒙 勅許其月一日皇后施法師納袈裟一

并雜物等數十件。法師發謝曰：沙門玄奘啓。蓋養
納并雜物等。捧對驚慙。不知比喻。且金縷上服。傳
自先賢。或無價衣。甫諸聖典。未有窮神盡妙。目擊
當如今之賜者也。觀其絢繡濃淡。敬若不能逾其巧。
裁縫婉密。離婁無以窺其際。便覺煙霞入室。蘭麝在
身。旋俯自瞻。頓增榮價。昔道安嘗於秦代。未遇此。是
受道稱禮。晉朝罕聞。斯澤唯玄奘庸薄。獨竊共私。願
寵循躬。祿深戰汗。狀願皇帝皇后。留譽多之。子孫享無
疆之福祚。長臨玉鏡。永御寶圖。覆育群生。與天無極。
不任慙佩之至。謹啓謝聞。施重詞。輕不能宣。盡五日申
後。忽有一赤雀飛來。止於御帳。奘不勝喜慶。陳表賀
曰：沙門玄奘言。玄奘聞白鳩。欽瑞表殷。帝之興。赤雀
呈符。示周王之盛。是知穹昊降祥。以明人事。其來久矣。
玄奘今日申後。目前於顯慶殿。達雅內。見有一雀背

羽俱丹腹足咸赤從南飛來入帳止於御座徘徊踊躍
貌甚醜睹見是異禽乃謂之曰皇后在孕未遂分誕
玄奘深憂懼願乞平安若如所祈為陳喜相崔乃迴
旋蹀足示平安之儀了然解人意玄奘深心歡喜舉手
喚之又徐相向乃至遙之不畏極之不驚左右之人
咸悉去見玄奘目為受三歸報其雅意未及執捉且
後其徘徊遂復飛去伏惟 皇帝皇后德通神明恩加
地廣禮和樂洽仁深義遠故使羽族呈祥神禽効質顯
子孫之盛敷八百之隆既為曩代之休符亦是當今之
靈貺玄奘輕生有幸肇屬嘉祥喜祚之隆不敢緘默
略疏梗槩謹以奏聞若其羽翼之威儀陽精之淳傳歷
代之稽古出見之方表所不知也謹言表進已頃間有
勅令使報法師 皇后分難已訖端心奇特神光滿院
自蓮燭天朕歡喜無已內外繁囂必不違前許願法師護

念_ノ号_ヲ為_シ佛_ノ光_ヲ王_ノ法_ヲ師_ノ進_ニ表_ス賀_ス曰_ク汝_ハ所_ニ去_リ紫_ノ言_ヲ竊_ニ聞_ク至_リ道_ニ攸_ス
數_ニ啓_ス天_ノ人_ノ於_ニ載_ス弄_ス深_ニ期_ヲ所_ニ咸_ニ証_ス玄_ノ聖_ヲ於_ニ克_シ岐_ノ伏_ニ惟_ニ皇_ノ帝_ヲ
皇_ノ后_ノ情_ヲ鏡_ニ三_ノ空_ヲ化_ス乎_ニ九_ノ有_ニ故_ヲ能_ク闢_ス垂_ニ流_ヲ於_ニ二_ノ諦_ヲ却_シ走_ス馬_ヲ於_ニ
一_ノ乘_ヲ蘭_ノ殿_ノ初_ニ歡_ス爰_ニ發_ス俱_ニ胆_ヲ之_ノ願_ヲ珽_ノ柯_ヲ在_ニ孕_ニ便_ニ結_ス踰_ス城_ヲ之_ノ
微_ニ俾_ス夫_ノ十_ノ号_ヲ降_ス靈_ヲ弘_ニ茲_ニ攝_ス受_ス百_ノ神_ヲ翼_ニ善_ニ肅_ニ此_ノ宮_ヲ圍_ス所_ニ以_テ
灾_ヲ厲_ニ克_シ清_ニ安_ニ和_ニ載_ス誕_ス七_ノ花_ヲ儼_ニ以_テ采_ス步_ス九_ノ龍_ヲ位_ニ而_ニ濯_ス質_ヲ玄_ノ
門_ノ傳_ス迹_ヲ道_ヲ樹_ス虛_ニ陰_ニ雖_ニ昔_ノ之_ノ履_ヲ帝_ノ呈_ス祥_ヲ猗_ニ天_ノ表_ス異_ニ寧_ニ長_ニ以_テ八_ノ
方_ノ斯_ノ感_ヲ既_ニ近_ニ此_ノ英_ヲ獸_ヲ率_ニ生_ス詠_ス歌_ヲ喜_ス皇_ノ階_ノ之_ノ綢_ヲ裕_ヲ緇_ヲ林_ヲ勇_ヲ
銳_ニ欣_ス蚺_ノ馬_ノ之_ノ來_ヲ遊_ス伏_ニ願_ニ無_ニ替_ス前_ノ是_ニ特_ニ令_ス法_ヲ服_ス靡_ニ局_ヲ常_ニ慈_ニ迴_ス
稱_ス良_ノ目_ノ帝_ノ子_ノ之_ノ崇_ヲ出_ス處_ニ斯_ノ在_ニ法_ヲ王_ノ之_ノ任_ヲ高_ニ尚_ニ弥_ニ隆_ニ加_ス以_テ切_ス德_ヲ
無_ニ邊_ニ津_ヲ梁_ヲ載_ス遠_ニ僅_ニ聖_ノ津_ノ無_ニ辨_ス弘_ニ撫_ス不_レ移_ス竊_ニ謂_ス彈_ス四_ノ海_ノ之_ノ資_ヲ
不_レ足_ス比_ス斯_ノ檀_ノ行_ノ傾_ニ十_ノ地_ノ之_ノ葉_ヲ無_ニ以_テ辟_ス此_ノ福_ヲ基_ニ當_ス願_ス皇_ノ帝_ヲ
皇_ノ后_ノ百_ノ福_ヲ漱_ス華_ヲ膺_ス輝_ス北_ニ極_ニ萬_ノ春_ヲ表_ス壽_ヲ等_ニ周_ス南_ノ山_ノ磬_ヲ娛_ス樂_ヲ
於_ニ運_ス齡_ヲ踐_ス薩_ヲ去_ス於_ニ遐_ニ却_ス諸_ヲ君_ノ允_ニ夜_ヲ綏_ス鉅_ヲ帝_ノ獸_ヲ龍_ヲ蕃_ス

惟宜翊高王室，錚錚英猷，休祐日繁，標峻節於本枝，嗣芳
唐於草座，玄奘濫偶丕運，局勲禁門，貴匪德昇，寵緣恩
積，幸屬國慶，惟始淨業，開基踴躍之塲，塵松無恨，不勝
喜賀之至，謹奉表以聞，輕觸威嚴，伏增戰越。佛光王生
滿三日，法師又進表曰：沙門玄奘言，奘聞易嘉日新之
義，詩美無疆子孫，所以周祚過期，漢曆遐邁，緬應斯道也。又
聞龍門洄激，資源長而流遠，桂樹叢生，籍根源而芳藹。
伏惟皇帝累聖相承，重規疊矩，積植仁義，浸潤黎元，
其來久也。由是二后光應，大寶為子孫基，可謂根深源長
矣。逮陛下受圖，切業逾盛，還淳反素，邁三五之數，製禮
作樂，逸殷周之軌，不特黃屋為貴，以濟世庶為心，未暇求
衣日，具忘食一人，端拱萬里廓清，雖成康之隆，未至於此。
是故珥雲紉郁，江海無波，日域遵風，龍跚沐化，盪々平
魏々平，難得而備言矣。既而道路穹蒼，明神降福，令

月嘉晨皇子載誕天枝廣茂瓊芳增敷羣玉懷生莫
不慶賴在於茲特百恒情豈直嘉聖后之平安實
亦欣如來之有嗣伏願不違前勅即聽出家移人王之敬
為法王之子披著法服制立法名授以三歸列於僧數給
隆像化闡播玄風再秀禪林重暉覺苑退降眼之茂
跡踐月蓋之高蹤新二種蓮成無等覺色身敬妙辟
彼山王燄網莊嚴過於日月然後蔭慈雲於大千之境
揚惠炬於百億之州振法鼓而挫天魔魔勝幡而摧外
道接沉流於倒海標燎火於邪山竭煩惱之深河碎無
明之巨聲為天人師作調御主唯願先廟先靈籍殊祉
而升彼岸皇帝皇后日子福而享萬春永握靈圖常
臨九域子能如此方名大孝始曰榮親所以釋迦奔國而
務菩提蓋為此也豈得以東平璵之善陳思庸之
才茲日而論優劣同年而議深淺矣謹即嚴衣捧鉢以

望善來之賓拂座清淨用舒踰城之駕不昧慶慰翹
顙之至謹奉表以同輕觸宸威追陳戰越當即受三歸
服袈裟雖保傳養育所居常近法師十二月五日滿月
勅為佛光王度七人仍請法師為王剃髮法師進表謝曰
沙門玄峩言昨奉 恩旨令玄峩為佛光王剃髮并勅
度七人所剃之髮則王之煩惱落也所度之僧則王之侍
衛具也是用震動波旬之殿踊躍淨居之懷弘願既宣
景福弥盛豈謂庸賤之年得効伎於天虜凡庶之文蒙
入道於嘉會上下欣抃悲喜交集竊尋霞護之重在乎
祿所先解脫之日落饒為始伏惟 皇帝皇后道凝象
外福給區中所以光啓妙門聿循德本所願 皇陞納
祚王宸近和臨百億與下果千万歲奇佛光高子乳哺
惟宜善神衛質諸佛摩頂增華 睿極之姿允穆紹
隆之寄漸度之俗荷澤既深亦當翹勤道業專精

戒行允副如綸佇衆敢莫不勝感荷之至謹奉表以聞
其日法師又重慶佛光王滿月并進法服等表日妙門
玄粹言竊聞搏風迅羽累日而沖空寫月明璣逾旬而
訖滿是知稟靈物表高秋天中者固已後發其殊惟
雜厥美者矣惟佛光王資上善以締祥園中和而育德
自薇園降誕天祠勳瞻睿氣清矜履興納祐玉顏秀
表景夕增華自非皇帝皇后慧日在躬法流濯想寄名
隆標盤石砥落飭於天人其孰能福此祿衣安茲乳哺無
灾無害克岐克嶷者哉今魄照初環滿月之姿盛矣冀
枝再長如蓮之目藉芳所以紫殿慰懷黔首肯悅七衆
歸牕四門佇鑒豈唯日索後言鶴駉侍馭而已玄粹幸
承恩寵許垂蔭庇師弟之望非所庶幾同梵之情實
切懷杞輒敢進金字般若心經一卷并函報懸經變一
部裝製法服一具香爐寶子香奩藻筵經架數珠錫杖

藻豆楹各一以充道具以表彩歡所冀邁載弄於半璋代
辟邪於蓬矢俾夫善神見而踴躍弘摅目以堅固輕用于

奉寔深悚惕伏願 皇帝皇后尊邁拱辰明龜合耀

結觀心於地庶享延齡於萬春少海澄耀掩丕釗而取

隳寵蕃振美桐間平以載馳所願佛光王千佛摩頂

百福淑軀德音日茂曾規丕相不勝感荷奉表以聞

二聖春二月駕幸洛陽宮法師亦陪從并翻經僧五人

弟子各一人事公給佛光王駕前而發法師與王手同

去餘僧后後既到安量積翠宮 夏四月車駕避暑於

明德宮法師又亦陪從安量飛花殿其宮南接泉

澗北跨洛濱則隋之顯仁宮也五月勅法師還於積

翠宮翻譯法師既奉 帝旨進表辭曰沙門玄奘言伏

蒙 恩旨許令積翠宮翻經仰佩優渥誠深喜載伏

念違離旋增悵然去非切敬敷府道謝德科而久奈

策章鎮荷曾覆循漢知懼臨登匪危伏惟 皇帝皇后聖
哲含弘仁慈亭育故使萬類取足一物獲安既而迎陽蘭
除聽揚慶奎而悲結甫瞻涉廣想多願而欣然伏願玉宇
近和仙桃薦壽邁甘泉之清暑等瑤水之佳遊所冀渥
樹逢秋涼颺造夏惟歸軒於石陌儼幽錫於堆林稱
慶萬春寸後九遊不勝感慈之極謹附表奉辭以聞
意越在額水火文惠法師在京之日先翻發智論廿
卷及大毗婆沙未了至是有勅報法師曰其所欲翻
經論無者先翻有者在後法師進表曰竊聞冤族康俗
咸競前蹤述作窮神必歸睿后皇帝造物玄猷遠暢
掩王城於篋甸光貝葉於荆陵傍啓譯寮降綃鴻序
騰昭千古流輝萬葉陛下纂承丕業光敷遠韻神
用日新賞鑒無怠玄粹濫沐天造肅恭明詔每撫庸
躬恒深悚息去月自奉勅所翻經論在此無者其先翻

舊有在後翻但發覺時要涉論有二百卷此土先雖有半
但有百餘卷而文多舛雜今更勅顧頴翻之去秋以來已翻
得七十餘卷尚有百廿卷未翻此論於學者甚要望聽翻
了餘經論有詳略不同及尤舛誤者亦望隨翻以副聖
述帝許焉法師少離京洛日茲扈從暫得還鄉遊
覽舊壠問訪親故淪喪將盡唯有姊一人適龐州張氏
遺迹相見悲喜問姊父母墳隴所在躬自掃謁為戚久
荒頽乃更詳勝地欲具棺槨而改葬雖有此心未敢
專志法師乃進表請曰沙門玄奘言奘嘗不天夙鍾荼
蓼兼復時逢隋亂殞掩倉卒日月不居已經卅餘載
墳壟頽毀殆將淪賊追惟平昔情不自寧謹與老師二
人收捧遺柩去彼陝陋改葬西原用答昊天微申罔極昨
日蒙勅放玄奘出三兩日檢校但玄奘更無兄弟唯老師
一人下遠南翔用此月廿一日安厝今觀葬事尚哀落未

韓所賜三雨日思不周近望之天是聽玄葬葬事了還
又婆羅門上客今相隨遂過為率略恐將啗變不任纏
迫憂懼之至謹附表以聞伏乞天覆雲迴曲憐孤請帝
覽表允其所請仍勅所司其法師營葬所須並宜公
給法師既荷殊澤又進啟謝曰沙門玄啓玄葬殊深豐
積降罰明靈不能殞亡偷存今日但灰律驟改盈缺匪居
墳龍淪額草棘荒蔓思易宅地至厯歲年直為遠
隲關山不能果遂幸因陪隨臺駕得由故鄉既會宿
心成茲改厝陳設所須復蒙皇帝皇后典降天慈賜造營
佐不謂日月之光在凡礫而猶照雲雨之澤雖蓬艾而必
霑感戴屏營喜鯁兼集不任存亡銜佩之至謹附啟謝
問事重人微不能宣盡法師既蒙勅許遂改葬焉其營送
威儀無非公家資給時洛下道俗赴者萬餘人後魏孝文
皇帝自代從鄉洛陽移少室山北造少林寺蓋目地勢之

高卑有上方下方之稱都一十二院東據嵩岳南面少峯
北依高嶺兼帶三川簪石窈巖飛泉紫映松蘿共質
簪文葛桂栢与杞梓繁森壯婉清虛寶城中之佳麗其
西臺寂為秀麗即菩提流支譯經處又是跋陀禪師宴
坐之所見有遺身之塔大業之末群賊以火焚之不然遠
近弥異寺西北嶺下維氏縣之東南鳳凰谷陳村亦名陳
堡即法師之生地也秋九月廿日法師請入少林寺翻譯表
以沙門玄奘言茲契聞菩提路遠趣之者必假資糧先
河深渡之者須帶舠筏資糧者三學三智之妙行非宿春
之類也舠筏者八忍八觀之淨業非方舟之徒也是以諸佛
具而外彼岸凡夫闕而沉生死由是湛滄三界俱漂七漏
之河浩々四生咸溺十纏之浪莫不波轉煙迴迷意醉窮
劫石而靡怠盡芥城而弥固曾不知駕三車而出火宅乘
心正而適寶坊實可集我盡直秋之為氣良增難矣

寧惟孔父之情所以未嘗不臨食輒食當寐而驚者
也玄牝每惟此身衆緣假合念、無常雜岸樹井藤
不足以傳危脆軀城水沫無以譬其本堅所以朝夕是期
無望長久而歲月如流六十之年颺焉已至念茲遄速則
生涯可知加復少日求法尋訪師友自邦他國無處不經
途路超遙身力疲竭項年已來更增衰弱顧臨風景
能復幾何既資糧未克前途漸促無自不以此傷寒
肇累陳之不能盡也然輒生多事屢逢明聖家先
朝不次之澤荷陛下非分之恩沐浴隆慈歲月久矣
至於增名益價發譽騰聲無翼而飛坐陵霄漢
受四事之供超倫輩之華求之古人所未有也玄牝
何德何功以至於此皆是天波廣潤日月曲臨遂
使燕石為珍駑駘取貴撫躬內省唯深慙慙且害
盈惡滿前招之雖百步欲知是亦諸佛之誠言玄牝

自採藝業空靈名行無取夫慈聖澤无宜久冒望
之骸骨畢命山林礼誦經行以答提憐又蒙陛下以
輪王之尊布法王之化西域所得經本並令翻譯玄奘
猥承人之濫當斯任既奉天旨夙夜匪寧今已翻出
六百餘卷皆三藏四含之宗要大小二乘之樞軸凡聖
行位之林藪八万法門之海澤西城稱詠以為鎮國鎮
邦之典所頒義教無微不得辭猶擇水鄧林隨求小大
狀如海浦任取方圓學者之宗斯為駟騁玄紫用此
奉報國恩誠不能盡雖然亦冀萬分之一也但斯伏煩惱
必定慧相資如車二輪闕一不可至如研味經論惠學
也依林宴坐定學也玄奘少來頗得專精教義唯於四
禪九定未暇安心今願託慮禪門澄心定水制情獲之選
躁繫意馬之奔馳若不斂迹山中不可成就竊承此
明當高沙望廣遠重疊翠澗多奇食乃風雲范藹

仁智菓藥豐茂蘿薜躋虛實海內之名山城中之神
岳其間復有少林伽藍閑居寺等皆跨枕巖豁縈帶
林泉佛事尊嚴房宇閑邃即後魏三藏菩提留
支譯經之處也實可依歸以從禪觀又兩疎朝士尚解
歸海蟬榮菓許俗人猶知栖真蓋素况古崑出家為法翻
滯關中清風激人念之增媿者也伏惟 陛下明諭七

曜照極九幽然九為此愚誠特垂聽許使得飽覽塵
衆得卷歎迹若不入閑隱康康之群隨息觀之復得身行
石之上底歎一樹之蔭守察心猿觀法實猶令四魔九
緒之賊無所穿窬五忍十行之心相從引發作菩提之由
漸為彼岸之良因外不累於皇風內有增於行業以此送
終天之息也懂蒙矜許則廬山慧遠雅操庶追剡曲道
林清徹望續仍冀禪觀之餘時聞翻譯無任樂願之
至謹詣闕奉表以聞輕觸震威追深戰越 帝覽表不

許其月廿日神筆自報書曰省表知欲悔跡巖泉退
琳逵而架往託慮禪寂軌澄什以標今作拖風微寔所
欽尚朕業空學宜靡究高深然以淺識薄聞未見
其可法師津梁三界級引四生智昧心燈定淑意水非
情塵之所翳豈識浪之能驚道德可居何必太華疊
嶺空寂可舍豈獨少室重巖幸戢來言勿復陳請則
帝朝大隱不獨貴惟昔覽見開弘益更可矜於代勅
既令斯表不敢更言法師既奉勅書進啓謝曰沙門
玄峩言使人李君信至垂賜示詔銀鈞麗於丹字
睿藻鬱彼河圖磊落帶峯岳之形郁潤杳風雲之氣
不謂白藏之暮更覩春嵐之文身居伊洛之間忽瞻
崑荆之寶捧對歡欣手舞足蹈昔季重蒙魏君之札
唯叙睽離惠遠辱晉帝之書纔令給米未覩詞魚空
寡可舍之旨誨示大隱朝市之情固知聖主之操窮

真聲俗綜有歌無起義輕而更高架曹馬而逾遠者
矣但玄弊素絲之質尤畏朱藍葛藁之身寔希松杞
思願媿煙霞於少室偶泉石於嵩阿久避溺之情終
防火之志所以敢竭愚瞽昧死陳聞庶陶甄之慈無遺
惠鷄雪雨之澤不吝蠶螫而明詔霑臨不垂惠許
仍降恩降曲存輝賁五情戰懼不知所守既載來言
未敢更請謹附附聞唯增悚慙冬十月五日佛在摩訶
迦師又進法衣上佛光玉表曰沙門玄覺言古師聞
蘭榮紫曉過之者必歡桂茂青溪逢之者斯悅奇木
備余况人淪乎况聖胤乎伏惟 皇帝皇后極神睿
之姿懷天地之德撫寧區度子育群生無復大建迦
藍廣興福聚益寶圖常恒不變之業助勗命金剛
賢固之因既妙善董循故使皇太子機神日茂潞王
懿保逾明佛光王岐義數增輝可謂起周越南與黃氏

崇子、孫、萬年之慶者也。玄奘猥以庸微時得忝
見王茅、私心踊悅、誠歡誠喜。今是佛光王誕時之日
禮有獻賀、輒率愚懷、謹上法服一具、伏願王子萬神
擁衛、百福扶持、寤寐安和、乳哺調適、紹隆三寶、摧伏
四魔、行菩薩行、述如來事、不勝瓊華天枝、芙蓉美茂
歡喜之至、謹附表并衣以聞、輕觸霄嚴、退深載越、法
時時在積翠宮、朝譯元時、暫輟積氣、成疾、卷帝
女聞之不悅、即遣使養奉、內鑒呂弘、招宣、勅慰問法師
悲喜不已、進表謝曰：沙門玄奘言使人呂弘、招茅至宣
勅慰問、玄奘所患并許出外將息。慈旨忽臨、屈骸
用起、若對疏窅如冥水泉。玄奘攝摸、市方疾瘳、仍
集自達離羣、獨信覺嬰、纏心痛背、悶骨酸肉、楚食眠
頓絕、氣息漸微、慮有不面、默禱宮宇、思欲出外自屏、海
壑仍恐驚動、聖聽不敢、即事奏聞、遂依門藉出、至寺

所病既困勞轉萬心亦分障明時乃有尚藥司鑒
張德志為針療因漸瘳除得存首領還顧專輒之罪
自期希墨之誅伏惟日月之明久諒愚拙江海之澤每
肆含容豈可移幸於至微屈法於常典望申公道以
穆憲司枉獄為軫伏鈇是俟而殘魂朽質仍被恩光極
臆言慄用銘肌骨自惟僂頓非復尋常擬微下理之
憂亦盡生涯之累祖恨隆恩未答未命先薨亦惟
帝勤親勞薄得期於閱武情在訓戒既昭仁於教麟
又策勳於猷猷遐迩慶集上下歡并風后清塵山祇
護野敬惟動上故拯休貞申炯誠於十旬洪辰而返
鄙宣遊於八駿密迹而旋玉乘可佇永懷以慰撫事
迴惶終期殞越不昧荷懼之至謹奉待罪以聞荒端
失面伏聽 勅旨 帝覽表甚歡經三日後遣使迎
法師入四事供養留連累日 勅送法師還積翠宮

仍舊宣譯焉

大慈恩寺三藏法師傳卷第九




大慈大悲三藏法苑珠林

從承元四年至文
化十三年共百十六年

持宗院長

字XIII
10



大慈恩寺三藏法師傳卷第十

沙門慧立奉

釋表懷箋

起顯慶三年正月車駕自洛還西京終至麟德元

年二月王華宮捨化

橋寺

三年正月駕自東都還西京法師亦隨還秋七月
勅法師徙居西明寺以元年秋八月代子造時先
有勅曰以近康坊漢王故宅為皇太子分造觀寺
谷山命法師案行其處還奏地窄不容兩所於是

京都大學

930248

圖書

慈用營寺其觀改就普寧坊寺仍先造以三年夏
六月營造切畢其寺面三百五十步周圍數里左右
通衢腹背塹落青槐列其外綠水亘其間齋豐之就
都邑仁祠此為最也而廊殿樓臺飛甍接漢金鋪
藻棟眩日暉霞凡有十院屋四千餘間莊嚴之盛雅
梁之同泰魏之永寧所不能及也勅先委所司簡大
德五十人侍者各一人後更詮試業行童子一百五
十人寺名度至其月十三日寺名於寺建香度僧命法師普
度至秋七月十四日迎僧入寺其威儀幢蓋音樂等
如入慈恩及迎碑之則勅遣西明給法師上房一口新
度沙弥十人死弟子觀地帝以法師先朝所重嗣位之
後禮敬逾隆中使朝臣問慰無絕綿帛綾錦前
後万余段法服納袈裟等數百事法師受已皆為
國造塔及營經像給施貧窮并外國婆羅門客

等隨得隨散無所貯蓄發願造十俱胝像百萬為
一俱胝並造成矣東國重於股石前代雜翻不能
周備衆人更請委翻然股石部大京師多務又
人命無常恐難得了請就於玉華宮翻譯帝許焉
四年冬十月法師從京菽向玉華宮并翻經大德
及門徒等同去其供給諸事一如京下到彼安量

肅武院馬

五年春正月一日起首翻大股石

經本總有廿萬頌文既廣大學徒每請刪略

法師將順衆意如羅什所翻除繁去重作此念已
於夜夢中有極怖畏事以相警誡或見乘危履險
或見猛獸搏人流汗戰慄方得免脫覺已驚懼向
諸衆說還依廣翻夜中乃見諸佛菩薩眉間放光
照觸已身心意怡適法師又自見手執花燈供養諸
佛或昇高座為衆說法多人圍繞讚歎恭敬或夢見

有及奉已名菓覺而喜慶不敢更刪一如梵本佛說
此經凡在四處一王舍城鷲峯山二給孤獨園三他
化自在天王宮四王舍城竹林精舍惣一十六會合為
一部然法師於西域得三本到此翻譯之日文有疑錯
即校三本以定之殷勤省覆方乃著文審慎之心古
自無比或文乖旨奧意有躊躇必覺異境似若有
秘授以明決情即豁然若披雲觀日自云如此悟處
豈玄妙淺懷所通並是諸佛并序實加耳經之初會
有嚴淨佛五品之中說諸并序訂隆衆為股若波
羅蜜故以神通願力威大千界上妙珍寶諸妙香花
百味飲食衣服音樂隨意所求五塵妙境種種供養
嚴說法處時玉華寺主慧德及翻經僧嘉尚其夜
同夢見玉華寺內廣博嚴淨綺飾法嚴幢帳寶
鬘花幡伎樂盈滿寺中又見无量僧衆手執花蓋

如前供具共來供養大般若經寺內衢巷墻壁
皆莊綺錦地積名苑衆共履踐至翻經院其院倍
加勝妙如經所載寶莊嚴主又聞院內三堂講說法
師在中堂敷演既觀此已歡喜驚覺俱衆法師說所
夢事法師云今正翻此品諸菩薩等必有供養諸師等
見信有是平時殿側有雙李樹忽於非時數開
花六出鮮榮紅白非常可愛時衆詳議云
是般若再闡之徵又六出者表其到彼岸然法師
翻此經時汲之然恒慮無常謂諸僧曰玄奘今
年六十有五必當卒命於此伽藍經部甚大每
懼未終努力人加勤懇勿辭勞苦至龍朔三年冬十
月廿三日方乃絕筆合成六百卷稱爲大般若經焉合
掌歡喜告徒衆曰此經於此地有緣玄奘來此玉華
者之力也向在京師諸緣牽亂豈有得時今得終

訖。並是諸佛。冥加龍天。擁祐。此乃鎮國之典。人天大寶。徒衆宜各踊躍欣慶。時玉華寺都維那寂照慶賀。切畢。設香供養。是日請經。從肅成殿往嘉壽殿。香所誦讀。當迎經時。般若放光照燭。遠近無有非常香。氣法師謂門人曰。經自記。此方當有樂大乘者。國王大臣四部衆。徒書寫受持。讀誦流布。皆得生天。究竟解脫。既既。此文不可緘默。至十一月廿二日。令弟子窺基奉表奏。開請御製經序。至十二月七日。通事舍人馮義宣勅垂許。法師翻般若後。自覺身力衰竭。知無常將至。謂門人曰。吾來玉華。本緣般若。今經事終。吾生涯亦盡。若無常後。汝等遣吾。宜從檢省。可以獲遂。竹揀裏送。仍擇山澗僻處。安量勿近宮寺。不淨之身。宜須屏遠。門徒等聞之。哀慟各收淚。啓日和上。氣力尚可。轉顧不殊於舊。伺日忽出。此言法師曰。吾自知之。

汝何由得解麟德元年春正月朔一日翻經大德及彼
寺衆殷勤啓請翻大寶積經法師見衆情專至僊
作翻數行訖便收梵本俾住告衆曰此經部軸与大般
若同玄粹自量氣力不復辦此死期已至勢非賒速今
欲往蘭芝等谷礼辭俱照佛像於是與門人同出僧
衆相顧莫不潸然礼訖還寺專精行道遂絕翻譯至
八日有弟子高昌僧玄覺日向法師自陳所夢見有一
浮屠端嚴高大忽然崩倒見已驚起告法師曰非汝
身事此是吾滅謝之徵至九日暮間於房後度渠
脚跌倒脛上有少許皮破日即寢疾氣候漸微至十
六日如從夢覺口云吾眼前有白蓮花大如盤鮮淨可
愛十七日又夢見百千人欣容傳大俱著錦衣將諸綺繡
及妙花珍寶莊法師所卧房宇以次莊嚴遍翻經院
内外震至院後山巔林木悉堅幡幢衆彩間錯并

奏音樂門外又見無數寶輦中香食美菓色類
百千並非人中之物各各擎來供養於法師之
辭曰
如此殊味證神通者方堪得食玄粹未階此位何敢
輒受難此推辭而進食不心傍人嚮咳遂不開目目向
寺主慧德具說前事法師又玄粹一生以來所修福
慧准斯相貌欲似切不唐捐信知佛教日果並不虛
也遂命嘉尚法師具錄所翻經論各七十四部惣在
三百廿八卷又錄造俱照畫像祇勒像各一千頽又造
素像十俱照又馬能斷股若藥師六門陀羅尼等經
各一千部供養悲敬二田各萬餘人燒百千燈贖數
萬生錄訖令嘉尚宣讀聞已合掌喜慶又告門人曰吾
無常期至意欲捨墮宜令有緣物惣集於是整捨衣
資更令造像并請僧行道至廿三日設香爇施其日
又命素工宗法智收嘉壽殿堅苦提像骨已日從寺

衆及翻經大德并內徒等乞歡喜辭別云玄奘此毒
身深可厭患所作事畢無宜久住願以所收福慧迴施
有情共諸有情同生觀史多天祇勒內眷屬中奉事
慈尊佛下生時亦願隨下廣作佛事乃至无上菩提
辨訖目默心念時復口中誦色蘊不可得受想行識之
不可得眼果不可得乃至意識界之不可得識界不可
得乃至意識界之不可得無明不可得乃至老死之不可
可得乃至菩提不可得之不可得復口說偈教傍
人去南謨祇勒如來應正等覺願與合識速奉慈願
南謨祇勒如來所居內衆願捨命已必生其中時寺主
慧德又夢見有千軀金像從東方來下入翻經院香
花滿室至二月四日夜半曉病僧明藏禪師見有二人
各長一丈許共捧一白蓮花如小車輪花有三重葉長
尺餘光淨可愛將至法師前敬奉花人云師從无始已來

所有損惱有情諸有惡業。目今小疾並得消除。應生
欣慶。法師顧視合掌良久。遂以右手而自支頤。次以左
手申左膝上。舒足重累右脇而卧。暨平屬。竟不迴
轉。不飲不食。至五日夜半。弟子光等問云。和上決定得
生。祇勒內眾。不法師報云。得生。言訖。氣息漸微。少間神
逝。侍人不覺。屬纊方晏。從足漸冷。最後頂暖。額
色赤白。怡悅勝常。過七日。竟無改變之無異。事
非定惠。症嚴。或言資被孰能致此。又慈恩寺僧明慧
業行精苦。初中後夜。念誦經行。無時而懈。廢於法師
。夜子後。旋遠佛堂行道。見北方有白虹。四道從北
亘南貫井。宿直至慈恩塔院。皎潔分明。心惟所以。即
念昔如來滅度。有白虹十二道。從西方直貫太微。於
是大聖遷化。今有此相。將非玉華法師有非常事
邪。天曉向眾說其所見。眾咸怪之。至九日。且酉。乃至

重京心符虹現之象聞者零其感異法師身長七尺板
身赤白色眉目疎朗端嚴若表美黼如畫音詞清遠
言談雅高聽者無狀或慶後衆或對嘉賓一坐半
朝身不傾動服尚軋陀裁唯細艷循廣適中行步
雍容直前而視輒不顧眇洎之焉若大江之紀地灼
焉類芙蓉之在水加以戒範端凝始終如一愛惜之
志過護將囊持戒之堅超逾繫草性愛恬簡不好
交遊一入道場非朝命不出法師在後西明寺上坐道
宣律師有感神之德至軋封年中見有神見自云弟
子是聿將軍諸天之子主領鬼神如來欲入涅槃勅
弟子護持瞻部遺法比見師戒行清嚴留心律部四
方有疑皆來諮決所制輕重儀時有乖錯師年壽漸
促文訛不正詿誤後人以是故來亦師佛意目指宣所出
律抄及輕重儀僻謬之處並令改正宣聞之悚慄悲喜

目向經律論等心所不決者神靈為決之又同古來傳法
之僧德位高下并同法師神答云自古諸師解行
牙有短長而不一唯且如弊師一人九生已來備脩福
慧生、之中多聞博洽聰慧升才於瞻部洲瞻那國
常為第一福德亦然且其所翻譯文質相兼無遠梵
本由善業力今見觀史多天慈氏內衆聞法悟解
更不人間受生神授語訖辭別而還宣目錄入別說
現在西明寺藏矣自非法師高才懿德乃神明知之豈
凡情所測度法師病時檢校翻經使人許畜備以其
年二月三日癸丑法師目損足得病至其月七日勅中
御府供奉鑿人張德志程桃捧將藥急赴比至法
師已歿鑿藥不及時坊州刺史竇師倫奏法師已
亡帝聞之哀慟傷感為之罷朝日朕失國寶矣
時文武宰寮莫不悲哽流涕帝言已為懷悲不

能勝翌日又謂群臣曰惜哉朕國內失此法師一人
可謂釋衆摧矣四生無導矣之何異苦海方割舟楫
遽沉周室猶昏燈炬斯掩 帝言已零惋不悅至
其月廿六日下 勅曰竇師倫所奏玉華寺玄奘
法師既已葬事所須並令官給至三月六日又有
勅曰玉華寺葬法師既已其翻經之事且停止翻成
者准舊例官為抄寫自餘未翻者物惣付慈恩寺
掌勿令損失其葬師弟子及所翻經僧先非玉華
寺僧者宜各放還本寺至三月十五日又有 勅曰
玉華寺故玄奘法師葬日宜聽城僧_京及造幢蓋送
至墓所法師道茂德高為明時痛惜故於已後重
疊降恩求之古人無比此也於是門人遵其遺命以
蘧篠_本為輦奉神柩還京安晝慈恩翻經堂內奉
數百哀號動地京城道俗齊起哭泣日數百千以四月

十四日將葬。滙東都內僧尼及諸士庶共造殯送之。
儀素蓋白幢。泥洹帳。舉金棺銀槨。安羅樹等五
百余事。布之街衢。連雲接漢。悲笳。樓挽。殯迎宮
宇。而京邑及諸州五百里內送者。百余万人。雅復喪
事。危軫而法師神柩。仍在。遂降。本與東帑銷行。用
僧三千。正。結作泥洹。舉。無以危。珮。庄嚴。極。為殊妙。請
安法師神柩。門徒等。恐。虧師素。自止之。乃以法師三衣
及國家所施。百金之。納。置以前。行。遂降。舉。次其後。觀
者莫不流淚。鯁塞。是日。緇素宿於帳所者。三万余人。
十五日。旦掩坎訖。即於墓所。設無遮會。而散。是時。天地
變色。鳥獸鳴哀。物感。既然。則人悲。可悲。皆言。愛河尚淼。
慈舟遽沈。永夜猶昏。慧燈光滅。攀戀之痛。如亡眼目。
不直比之。山頽木壞而已。惜哉。至愍。章二年四月八日。
有勅。使葬法師於樊川北原。營建塔宇。蓋以舊所。

密迹京郊禁中多見時傷聖慮故改十為至於遷
殯之儀門徒哀感行侶悲慟切彼初往焉一擇慧
立論曰觀夫夜皇宵月西日之明三江九河助東溟之
大相資之道在物既然傳襲之風於人豈異自法王潛
輝之後阿難結集已來歲越千年時逾十代聖賢間
出英睿逸生各輟雄圖俱上智負荷遺法控御天
人道制風颺神傾海岳或舒指而流膏液或異室而
朝帝光或連尸以伏天魔或一對而迴時主或顛運法於
邊刹冒風波於險塗或虛已以應物求裏糧而行死地
終令玄津溢濤惠渚無疆既益傳燈寔符付屬考之
前冊可不然哉而清源不窮今復遇法師嗣承之矣惟
法師星像降靈山岳騰氣才過東晉譽美南金雅操
不群堅芳獨拔以回生為已任達正法為身事魏平似
嵩華之負鸞蒼蛟為若琅玕之映掌海而聽機後骨

菽於自然。味道輕榮。羣由。臣。特。主。夫。義。識。冷。廟。之。奧。
冠。恒。肇。而。逾。高。祥。玄。造。微。之。功。跨。生。融。而。更。遠。滔。
乎。萬。年。實。紹。隆。之。器。也。將。使。像。化。重。光。於。顏。季。
之。期。故。証。茲。明。德。者。矣。法。師。往。以。今。古。大。德。闡。揚。經。
論。雅。復。俱。依。聖。教。而。引。據。不。同。諱。論。紛。然。其。來。自。久。
至。如。黎。邪。是。報。非。報。化。人。有。心。无。心。和。合。佈。數。之。徒。聞。
重。城。不。威。等。百。有。余。祥。並。三。藏。回。舍。之。繫。根。大。小。兩。宗。
之。鍾。鍾。先。賢。之。所。不。決。今。捨。之。所。共。疑。法。師。之。躊。躇。
此。文。快。之。斯。百。慨。然。歎。曰。此。地。經。論。蓋。法。門。枝。葉。未。是。
根。源。諸。師。雅。各。起。異。端。而。情。疑。莫。遣。於。須。栢。囊。大。本。
取。定。於。祇。洹。耳。由。是。性。志。發。懷。馳。心。遐。外。以。貞。觀。三。年。
秋。八。月。立。誓。束。裝。拂。衣。而。去。到。中。天。竺。那。爛。陀。寺。逢。
大。法。師。名。尸。羅。跋。陀。此。日。戒。賢。其。人。體。二。居。宗。神。鑒。奧。
速。博。用。三。藏。善。四。事。施。於。十。七。地。論。家。為。精。實。以。此。論。談。

冠衆經久偏常宣誦元是慈勒菩薩所造即攝大乘
之根係是法師發軔之所祈者十六大國靡不歸宗
稟義學徒恒有万計法師既往脩造一面盡歡以為相
遇之晚於是伏膺聽受無詬決所疑一遍便覆无所
遺忘屏濠汜之納群流若孟諸之吞雲夢彼師老恠
歎未曾有云若斯人者聞名尚難豈謂此時共談玄
耶法師於是聲振慈西名流八國彼諸先達英傑聞之
皆宿構重開共來難詰應行稟累轂駕肩隨其茲
論之詞雲云而至法師從容辨釋皆入其室探其玄
取其年輕其盾莫不人一喪轍解頭虔伏稱為此
公天縱之才難酬對也戒日王等見之抃喜皆肘步焉
足傾珍供養罷席之後更學梵書并余經論自架一
代所訛者山方等之教庶蕝半字之父爰至後聖馬
鳴龍樹无著天親諸師製條及秋在等十異執之宗

五部殊塗之致並收羣研究逮其旨得其文并佛慶
寺之如泥洹堅固之林降魔菩提之樹迦路崇高之
塔那揭留歎之山皆躬申礼敬備觀靈竒且無遺矣
法師心期既滿學覽復周將旋本土遂繕寫大小乘
教六百余部請像七軀舍利百有余粒以今九十年春
正月廿五日還至長安道俗奔迎傾都罷市是時也煙
收霧卷景霽風清寶帳盈衢花幢掩日慶雲集彩
旌天表郁纍纍庶士詠讚於通莊車轡之塵和風於
馬頔戢慧日赫以重明雅不逢世尊從切剎之下商浮此
之足為千載之休美也法師此行結途數万徧歷艱危
至如涸陰汗寒之山飛波激浪之谿厲毒黑風之氣援
視羆豸之群並法顯失侶之鄉智嚴遺伴之地班超之
所不踐章亥之所未遊法師子亦孤征坦然无梗崩
唐風於八河之外揚風祀於五壇之用使平遐域後主馳

心輦轂者係作天衢羅法師不世之功抑立聖朝運
易感通之力也 皇帝握龍圖而纂曆應赤狄以
君臨裁鯨豕以活群生溫雲霓而光日月正四維之施
柱息滄海之橫流重立乾坤再施銘造九切苞於虞
夏七德冠於曹劉海晏河清時和歲阜遠元不順
途无不安天成地平人慶神悅加以重明麗正三善之
義堯隆率輔忠勤良哉之歌斯允既而窮庫載
德殿上玄紫芝含秀於玉階苑平結英拖朱闥又如
西州石瑞松縣琨符紀 聖主千年之期顯 儲君副
秉之葉鳳毛才子之句上果佛田之文歷萬古而不用
當我皇而始出豈非明靈輔德玄天福眷者焉加復
遊心真際城暫五乘追思驚嶺之容竚想提河之
訖故使遺形紺髮燦秋來儀勝典高僧相繼而至慈
雲布於六合法鼓振於三千天花將景風共飛翠霧

與香煙同馥於是溺俗沈流之士望涯岸而有期清
虛茹玄之賓顧三空而非遠所謂司南啓路衆惑知
方高飈龍衣林而群竹賴自矜奇法師盛德也如彼逢時
也如此豈同雅澄塲道遇二石之允殘安什傳經值
符姚之偽曆技之深淺即行潦之類江湖比之明闇
乃朝陽之與螢曜矣昔鍾政既至魏文奉賦以讚揚
神崔斯呈賈逵獻頌而論異在禽物之微賤古人
猶且詠歌况法師不朽之神功棟梁之大業豈可緘
默於明時而无稱述者也立字愧往賢德非先達
直以同霑像化叨廁末塵欣慕之懷百於恒品所以
力課庸愚輒申斯傳其清徽令望之美絕後光前
之蹤別當分諸鴻筆非此所能覲縷也異明鑒君
子收意而不西焉 贊曰生靈感施大聖遷神其能繼
紹准乎招天馬爲先唱提婆後申如日斯懸朗月揚

陳穆矣法師諱為貞士迥秀天人下羈唐澤窮玄
之奧究儒之理潔若明珠芬同蕙芷悼經之闕義
之錯委命詢求陵危踐路挾旌器宇剋レ誠格振
振義西州歸切東罔屬逢有道時惟我 皇重懸
玉鏡再理殊囊三乘既闡十地無揚俾夫慧日幽
而更光奧余庸眇幸參塵末長自蓬內靡靡枯
高山斯作清流是渴願得攀依比之藤葛釋レ彥棕
箋述曰余觀佛教東度已來英俊賢明捨家入
道者可計其中罕能兼善一二美者有焉至若視聽
艱言洽用強識輕生重道絕域遐征貞操勁松筠雅
志陵金石群雄幸英慮聖主迴光者於三藏倫之矣抑
又聞之三藏當盛暑之辰體無霑液祁寒之際艱
不憐憫又不交不申不吹不便斯蓋未詳其地徑何
賢聖之可格哉又北信現疾之時歲度繁縟將終

之日色貌數愉^{廿九}至難得而測也及終後月餘日有人
晉^{廿九}梅檀末香至請依西國法以塗三藏身衆咸莫之
許其人作色曰弟子別奉進心師等若不許請錄
狀以聞衆從之及開棺發殮已人覺異香等蓮花
之氣牙相驚同皆去若茲向人併除殮衣准留襯服
衆觀三藏貌如生平人百蹄絕共視向人塗香服
殮蓋棺已俄失所在衆歎天人焉余考三藏夙心誓
其逝也自非摩訶薩搖其孰若之乎奧我同傳幸
希景作勗哉

大慈恩寺三藏法師傳卷第十

義元四年五月十五日書寫并移點畢

貞元二年長安會講并開得寺西成傳之具精六校

